



新刊監本四府元龜卷第三十一

帝王部 三十一

奉先第四

唐武宗以開元六年正月即立上元聖昭獻皇帝尊謚廟號文宗葬章陵

二月制穆宗妃常氏追謚宣懿皇太后帝之母也

三月勅復國忌行香以文宗開成三年十月曾廢故也

會昌元年五月祔宣懿皇太后于大廟六月制曰朕近因載誕之日展承顏之慶太皇太后謂朕曰天子之孝莫大于承人倫之義莫重于嗣續穆宗睿聖文惠孝皇帝厭代已久呈霜屢稟有宮曠合食之禮惟帝深濡露之感宣懿皇太后正慶之際

德之後宮風表沙麓之祥實茂河洲之範先朝思禮之厚中壺  
莫僭况誕我聖君纘承昌運已協華于先帝方延祚于後昆思  
廣貽謀庶別博愛爰遵舊典以慰孝思當以宣懿皇太后祔太  
廟穆宗睿聖文惠孝皇帝之室率是彝訓其敬承之祗奉慈百  
載深感咽宜令宣示中外咸使聞知

五年十月中書奏云汜水武牢關是太宗擒王世充竇建德之  
地關城東峯有二聖塑像在一堂之內伏以山河如舊城壘猶  
在威靈皆畏、斬臺風雲疑還于豐沛誠宜百代嚴奉萬邦所  
瞻西矣故事祖宗帝所幸皆令郡國立廟今緣定覺寺例合  
毀折望取寺中太殿材木于東峯改造一殿四面五 呂監伏  
望號為昭武廟以昭聖祖武功之盛望委益懷節度使差幹事

判官一人勾當修建緣聖像頗已故暗望令李石于東都揀絕  
好畫手就加嚴飾初興功日望令東都差分司郎官一人薦告  
畢日 判官展敬從之

六年二月太常禮院奏准勅太廟諸室神主都二十六座  
待修廟畢日具禮迎致於西夾室所遷神主月日及儀注等宜  
令所司詳定聞奏者擇用四月九日告制可

宣宗以會昌六年三月即位上至道昭肅孝皇帝尊謚廟號武  
宗葬端陵

四月東都留守李石奉修奏太廟畢所司迎奉太微宮神主祔  
廟訖東都太廟者本武太后家廟神龍中中宗反正廢武氏廟  
主立太祖已下神主祔之安祿山陷洛陽以廟為馬廐棄其神

主而協律即嚴郢叔而藏之史思明再陷洛陽尋又散失賊平  
東京留守盧正已又募得之時廟已焚毀乃寄主於太微宮大  
曆十四年留守路嗣恭奏重修太廟以迎神主詔百官參議紛  
然不定禮儀使顏真卿堅請歸祔不從會昌五年劉守李石因  
太微宮正殿圯侈請以廢引敬寺為太廟神主祔之又下百  
寮商量皆言准故事無兩都俱置宗廟之禮唯禮部侍郎陳喬  
議云周之文武有鎬洛二廟今兩都異廟可也然不宜置主於  
廟主宜依禮在於廟之北墉事下未行而帝即位因詔有司迎  
太微宮神主祔廢寺之新廟而知禮者非之  
懿宗以大中十三年八月即位上聖武獻文孝皇帝尊謚廟號  
宣宗葬真陵

九月追尊母晁氏為太后謚曰元昭

咸通元年十一月丁未有事於郊廟

十三年十二月制追謚宣宗為元聖至明成武獻文睿知章仁  
神聰宜道大於日帝

僖宗以咸通十四年七月即位上睿文昭聖恭惠孝皇帝號懿  
宗葬簡陵

乾符元年十一月庚寅有事於郊廟

中和元年四月帝在成都府有司請饗太祖已下十一室詔公  
卿議其儀太常卿崔厚議立行廟以玄宗幸蜀時道宮在元殿之  
前架幄幕為十一室又無神主題神版位

廟行

達禮者非之明年  
乃特造神主以祔

先啓三年二月自興元還京以宮室未備權駐鳳翔禮院奏皇  
帝還宮先謂大廟今宗廟焚毀神主失墜請准禮例修奉制曰  
朕以涼德祗膺寶圖不能上承天休下正人紀兵革競興於寓  
縣車輿再越於藩垣宗廟震驚蒸嘗廢闕敬承典禮切哀恫  
宜付所司時修奉大廟使宰臣鄭廷昌奏京城除充大內及正  
衙外別無殿宇伏聞先有詔肯欲以少府監大廳權充從之  
昭宗以文德元年三月即位上惠聖恭定孝皇帝尊謚廟號僖  
宗葬定陵

四月癸午追謚聖母惠安太后王氏曰恭獻

十一月甲寅有事於郊廟

哀帝以天祐元年八月即位上聖穆景文孝皇帝尊謚廟號昭

### 宗葬和陵

二年二月己未昭宗皇帝神主祔大廟禮院奏昭宗廟樂曰咸  
寧之舞時左僕射裴贇等議遷廟合遷順宗一室從之

四月勅河南府緱氏縣令宜兼充和陵臺令仍升為赤縣

十月丁未改題襄宗神主廟號是日輟朝百官奉慰

臣欽若等  
曰時起居

即聽楷駁昭宗謚號大帝卿張廷範  
改謚曰莊靈恭閔孝皇帝廟號襄宗

後唐莊宗同光元年四月即位閏月追尊曾祖蔚州太保為昭烈  
皇帝廟號懿祖夫人崔氏曰昭烈皇后陵曰永興追尊皇祖代  
州太保為文皇帝夫人崔氏曰文景皇后陵曰長陵追尊皇考  
河東軍節度使守太師中書令晉王為武皇帝詔於晉陽創中  
興宗廟以高祖神堯皇帝太宗文皇帝懿宗昭聖皇帝昭宗聖

穆皇帝洎懿祖已下三室為七廟

十一月甲辰勅洛京太廟先為朱溫毀廢將幸洛陽宮告廟下尚書省會議重修本朝宗廟

二年正月丁巳所司奏懿祖昭烈皇帝八月十四日忌昭烈皇后十一月八日忌獻宗文皇帝十一月十三日忌文景皇后九月六日忌太祖武皇帝正月二十日忌勅敬依典禮甲子西都留守張筠奏重修高祖太宗十聖宮殿戊辰饗太廟以皇子維岌為亞獻皇弟存紀為終獻

二月丁亥遣宗正李紆朝拜和陵丁酉吏部奏十道圖內州縣名共三十七處犯獻祖廟諱勅改易之

三月中書門下奏北京三陵所宜尊奉竊尋故事宜建嘉名昭烈皇帝陵請以永興為名文皇帝陵請以長寧為名武皇帝陵請以建極為名從之

八月以宗正少卿李瓊住曹州檢行哀帝陵寢三年正月丙申勅曰朕顧惟家德獲嗣丕圖奉先之道常勤送往之誠靡怠爰自重興廟社載展郊禋旋盪滌於瑕疵復涵濡於慶澤蓋憂勞靜國曠墜承祧御朽若驚涉川為懼繇是推移歲月鬱滯情懷恭念昭宗晏駕之辰少帝登遐之日咸罹虺毒遽殞龍髯委冠劍於仇讎託山陵於泉鏡靜惟規制豈叶度程存愴結以稱深固寐興而增惕虔思改卜式慰允懷宜令所司別選園陵備禮遷葬貴雪幽明之耻以申追慕之心凡百臣寮體朕哀感雖有是命以年饑財不足而止己亥大常禮院奏三月合差官朝拜

諸陵宜以十八日辛巳從之癸亥湖南馬殷奏管内州縣名有  
犯猷祖廟諱虔道州延昌縣復舊名延唐縣彬州義昌縣改為  
義彰縣岳州昌江縣改為平江縣所司鑄換新印賜之

三月丙申寒食節車駕在鄴都帝與皇后出近郊遙饗伐州親  
廟公此宗是當之身以帝登車之日

十月上皇太后謚曰真簡皇太后名陵曰坤陵

十一月庚寅朔幸壽安號慟於坤陵

明宗天成元年四月即位七月上莊宗尊謚曰光聖神閔孝皇  
帝

八月甲午廢朝以莊宗神主祔太廟禮也

十一月庚寅宗正少卿李蕘奏恭陵所其山園之內被民戶起

舍屋居址臺觀皆被侵耕柏城松逕樵採殆盡乞勅下本縣與寺  
司重定元本園陵地畝從之

二年二月庚戌勅河南府新安縣宜升為次州以雍陵在焉

十二月丙午追尊四代祖麟州僕射諱聿謚曰孝恭皇帝廟號

惠祖衛國夫人博陵崔氏謚曰孝恭昭皇后三代祖朔州司空

諱敖謚曰孝賢皇帝廟號毅祖趙國夫人張氏謚曰孝賢順皇

后皇祖蔚州司徒諱琰謚曰孝靖皇帝廟號烈祖皇祖妣秦國

夫人何氏謚曰孝靖穆皇后皇考汾州大師諱寬謚曰孝成皇

帝廟號德祖皇妣宋國夫人劉氏謚曰孝德懿皇后以應州舊

宅為廟

先是中書門下又奏伏以兩漢以諸侯王入繼帝統則  
必易名上謚廣孝稱皇載于諸王故事孝德皇孝仁皇

孝元皇是也伏乞聖慈俯從人願許取皇而薦號兼上謚以尊名  
改置園陵仍增兵衛遂召大常禮院定其儀制大常博士王

王等引漢桓帝入嗣尊其祖河間孝王曰孝穆皇帝蠡吾侯曰  
孝宗皇帝為例請付大常卿定謚刑部侍郎權判大常卿馬縞  
復議曰伏准西漢故事以諸侯王宗室入承帝統亦必追尊父  
祖修樹園陵西漢宣帝東漢光武孝享之道故事俱存自安帝  
入嗣遂有皇太后令別崇謚法追曰某皇所謂孝德孝穆之類  
是也前代唯孫浩自烏程侯維嗣追父和為文皇帝事出非常  
不堪重訓今據禮院狀漢安帝已稱若據本紀又不見有帝字  
伏以謚法德象天地曰帝後緣禮院已曾奏聞唯將兩漢故事  
便述尊名請詔百官集議時佑僕射李琪議曰伏觀歷代以來  
宗廟成制維襲無異沿革或殊馬縞所奏禮有案據乞下制命  
令馬縞據依典冊以述尊名時名宗意欲無加帝字乃下詔曰  
朕聞開國承家得以制禮作樂故三皇不相襲五帝不相沿隨  
代創規於理無爽矧或情閑祖禰事係蒸嘗且追謚追尊稱皇  
與帝既有咸增之字合陳褒貶之辭太約三名俱為尊稱若三  
皇之代故不可加帝字五帝之代亦不可言皇爰自秦朝便兼  
其號至若玄元黃帝事隔千祖宗追一源猶額冊於鴻名且須  
遵於漢典况朕居九五之位為億兆之尊不可摠二名于耿躬增  
字於先代苟隨執議何表孝誠可委宰臣與百官詳定集兩班  
於中書逐班各陳所見唯李琪等請於祖稱二室先加帝字臣  
合衆議奏曰恭以朝廷之重宗廟為先事係承祧義符致美且  
聖朝追尊之曰即引漢氏曰儀在封崇之時復依何代故事  
理凝滯未曰聖謨通舍交通方為民則且王者成功治定制禮作

三年八月祠部舉新廟諱有與人姓同者請改之勅凡有姓犯  
廟諱者以本望為姓

閏八月辛亥勅準兵部郎中蕭愿奏大忌齋僧道各一百人列  
聖忌辰齋僧道五十人

十月戊申帝服袞冕御崇元殿臨軒命禮部尚書韓彥輝工部  
侍郎任贊往應州奉冊四廟樂奏儀衛如式

四月正月上大常奏應州四廟陵號惠祖曰遂陵毅祖曰衍陵烈  
祖曰奔陵德祖曰慶陵忌日行香如大廟諸室

八月戊申帝服袞御文明殿追冊昭宣光烈孝皇帝禮畢使兵部尚書盧質押冊出應天門登車鹵簿鼓吹前導入都亭驛翌日發赴曹州甲子曹州祔饗昭宣光烈孝皇帝禮畢文武百官詣西上閣門進名奉慰

十一月癸酉勅昭宣光烈孝皇帝曾居宝位久<sup>抱</sup>幽寃近始追崇方安寢廟宜昇縣邑以奉園陵宜升曹州濟縣為次赤以本縣令無陵令

長興二年四月禘饗于大廟

三年七月宗正寺奏今年經大雨太廟正殿竦漏門棲墊陷宮墻及神門仗舍並皆缺漏請下所司修補司天以墓年不宜興造請隨缺壞處量事增修從之

閔帝應順元年二月山陵使上言大行山陵四月二十七日掩互宮以御扎皇帝親奉靈駕至園陵有司量事供備臣等伏見累朝故事人君無親送葬之儀蓋承繼事大非薄於送終累奏不從

末帝清泰元年四月即位上明宗尊謚曰聖德和武欽孝皇帝十一月戊戌中書門下奏大常撰定冬至期會儀詔曰初成園寢彌軫孝思遽履節辰尤增顧復所奏冬伏宜停是月中書門下奏二十六日明宗忌羣臣奏慰行香固有常禮恭以陛下初遇忌辰合存降殺仰惟追感難抑孝思固於茲時不同常歲臣等商量請於忌辰前後各一日不生從之

二年正月戊申宗正寺言北京永興長寧建極三陵應州逐衍

并三陵曹州溫陵例下本州府長官朝拜雍坤和徽四陵朝廷  
從之乙丑遣太常少卿蕭愿宗正卿李郁朝拜徽陵右庶子韋  
暉雍陵宗正少卿李知新殿中丞李延昭和陵太子中允劉賓  
太子中舍李均坤陵

二月己丑宰臣盧文紀等上章曰臣聞聖列上皇必稟嚴慈之  
訓貴為禹桀彌懷顧復之思所謂生我助勞昊天罔極故漢昭  
帝承祧御曆奉尊謚於雲陽魏明帝繼體守文思外家于甄館  
則追崇母后祔饗廟庭愛親之道克隆教本之文斯合臣等嘗  
覽國史見玄宗大聖孝明皇帝母昭成皇太后竇氏作嬪初奉  
於相王歷位終終于藩孺及至上皇傳國聖子臨朝則追尊配  
享于闕宮儷極終先于家后臣又見代宗睿文孝武皇帝母章

敬太后吳氏入宮緣侍于忠王短世唯登于命婦及寶祚爰歸  
于聖嗣追尊將祔于陵園則羣臣歷懇于封函嚴配請崇于徽  
號舊章斯在闕典未伸臣等叨備罪司合伸茂典伏惟聖母魯  
大夫人夢梓輿周望雲佐漢亶河洲之懿範契沙麓之休祥三母  
俱賢周武最承于天統四妃有子唐侯先啓于帝圖仰惟當宁  
之懷弥軫寒泉之思伏望配陵祔廟法地則天君親實教於義  
方恩礼宜歸於聖善母以子貴乃春秋之格言孝以尊親固礼  
經之明義又虞時時薦慮損皇猷俾秦官載顯于玉符魏寢永光  
於金冊則華夷大頌臣子建寧臣等謹案謚法聖善周闡曰曰  
宣施而不私曰宣博聞多能曰憲聖善周達曰憲謹上尊謚  
曰宣憲皇太后請依昭成章敬二太后故事擇日備礼冊命故

事礼合配陵祔庙臣等再詳儀注備有典彛伏恐朝廷其務於  
便安司局責期於辨集酌於故實更司檢詳臣等伏聞先太后  
舊陵祔于先廟則都下難崇于別廟既追尊謚合配闕宮臣  
等謹案漢故事園寢不在王畿者或就陵所便立寢祠礼文雖  
異於國朝事理可循于權道臣等商量大后上尊謚后權立祠  
庙以申告獻配祔之礼請俟他年詔曰朕猥將眚質獲嗣丕圖  
暑往寒未知昊天之恩極憂深思遠唯觸地以無容卿等學究  
源流文苞体要以致財成之美復陳孝理之規援引古今鋪陳  
茂實專朕以愛親之礼勉朕以追遠之文取則昭成明徵章敬  
仍加美謚益見忠誠至於權立闕宮頗亦叶于時便助勞莫報  
長懸陟屺之心聖善期崇且慰循陔之念謹依典礼哀慕增

深六月乙丑大常卿李懌定宣憲太后陵號請以順為名

三年五月大常奏於河南府東權立宣憲皇后寢宮從之

六月銜敷政殿遣工部尚書崔居儉奉宣憲皇太后寶冊于寢

宮時陵園在河東適會兵興故權於京城修奉寢宮上謚焉

九月戊申帝親行太原太常博士段顯白宰臣曰帝未嘗謁陵今

河陽路當徽陵前安得經由不行礼乎是日午時至陵園于攸舍

前陳謁陵礼

晋高祖天福二年正月壬戌中書奏皇帝到京未立宗廟者伏  
以受命握圖既啓無疆之祚宗文祖武宜尊有國之規伏惟皇  
帝陛下歷數在躬艱難創業極黔黎之塗炭廓宇宙之氛霾寰  
區既定於一戎基構方開于萬祀恭惟宗庙頃切追崇將示肅

恭宣宜稽緩臣等商量望令所司速具制度典禮以聞尊始敬先既光于大孝徽章茂典永顯於洪猷從之

五月太常卿梁文矩奏奉勅肯定四廟謚號廟號陵號者伏以四代祖朔州使君府君自天所祐應時而生肇啓靈源始基鴻業謹案謚法寬容平和曰安臨事屢斷撫俗多方有明達之能無屈撓之事豈不謂寬容平和乎又靖者柔德教衆之義也又義者行義不失者也請備神主追尊謚曰孝安皇帝廟號靖祖陵號義陵三代祖右省常侍府君動靜有常夙夜匪懈憂人若已視民如傷謹案謚法一德不懈曰簡富且不驕貴而好礼有典有則無怠無荒豈不謂一德不懈乎又肅者剛德克就之義惠者寬裕不苛者也請備神主追尊謚曰孝簡皇帝廟號肅

祖陵號惠陵皇祖振武僕射府君淳德不雜素風自高得安邊靜塞之機有阜俗濟民之術謹案謚法執事有制曰平積善積德允武允文動不為身行唯濟物豈不謂執事有制乎又翼者思慮深遠之義又康者安樂撫民者也請備神主追尊謚曰孝平皇帝廟號翼祖陵號康陵皇考沼州太傅府君天資睿德神質沈機臨戎則有敵必摧撫俗則無民不悅謹案謚法主善行德曰元尽善尽美乃神乃聖功煥龍圖慶流鳳扆豈不謂主善行德乎又憲者博聞多能之義昭者明德有功者也請備神主追尊謚曰孝元皇帝廟號憲祖陵號昭陵勅所定翼祖宜改為睿祖昭陵改為昌陵餘並敬依又太常少卿裴坦奏奉勅定四廟皇后追尊謚議者伏惟四代祖妣秦氏積行芝蘭含貞閨壺

徽猷令問厥彰內則之賢懿靜柔明綽有禮閑之節諒非餘慶  
何啓昌期謹案謚法宣慈惠和曰元請追尊謚曰孝安元皇后  
伏惟三代祖妣安定大君安氏門稱盛族代謂良家修德行而  
義冠稽天蘊柔明而風昭齊體若非淑惠寧協休徵謹案謚法  
曰貴賢尚義曰恭請追尊謚曰孝簡恭皇后伏惟皇祖妣高平  
縣大君米氏令惠生知賢才天稟四德早聞于親戚一齋仍著  
于閨庭淑問常彰貞柔自固謹案謚法嚮惠德義曰猷請追尊  
謚曰孝平獻皇后皇妣南陽郡大夫人何氏族惟華貴德乃寬  
冲礼諧義聽之文詩協和鳴之詠履大跡而鍾慶附神龍而克祥  
固有靈符未弘景祚謹案謚法溫柔聖善曰懿請追尊謚曰孝  
元懿皇后勅敬典禮

七月壬申帝御崇元殿備礼命使冊四庙于洛京以四代祖朔  
州府君為孝安皇帝庙號靖祖以高祖妣秦氏為孝安元皇后  
以曾祖右省常侍府君為孝簡皇帝庙號肅祖以曾祖妣安定  
郡太君安氏為孝簡恭皇后以大王父振武僕射府君為孝平  
皇帝庙號睿祖以皇祖妣高平縣大君米氏為孝平獻皇后以  
皇考洛州大傅府君為孝元皇帝庙號憲祖以皇妣南陽郡太  
夫人何氏為孝元懿皇后

三月二月辛丑中書奏礼經云礼不諱媿名二名不偏諱注云  
媿名謂音相近君禹與兩丘與區也二名不偏諱謂孔子之母  
名徵在言在不稱徵言徵不稱在此古礼也唐太宗二名並諱  
玄宗二名亦同人姓與國諱音聲相近是媿名者亦改姓氏與

古礼有異廟諱平声字即不諱餘三声諱側声不諱平声字所  
諱字玉文及偏旁闕點畫望依令式施行勅朝廷之制今古相  
沿道在人弘礼非天降况以方開歷數虔奉祖宗雖踰孔子之  
文未爽周公之訓莫崇孝行永載簡編所為二名及媿名事宜  
依唐礼施行乃付所司五月丁巳勅應諸州縣名犯廟諱等相  
南管内資興縣本州名犯肅祖孝簡皇帝廟諱宜改為敷州州  
官縣名每州名同改為敷化縣義縣上一字亦與本州名同改  
為敷和縣武岡縣本州名與孝祖孝元皇帝廟諱上一字音同  
宜改為敏州州管陽縣上一字與州名同改為敏政縣嶺南晉  
興縣本州名與孝元皇帝廟諱下一字音同改為鉞州建州管  
武縣上一字亦與憲祖孝皇帝廟諱上一字音同改為昭武縣  
其已前州府縣上中下仍准舊制為定

五年二月乙巳御史中丞竇真固奏國忌日宰臣跪爐焚香僧  
人表讚孝思述祖先遠世之事而文武百辟儼然列坐竊惟禮  
非天降酌在人情今古遺規君親至敬對佛像行香之日實帝  
王不樂之辰豈有聽烈祖之舊勲悉安所坐聞明君之至德曾  
不暫興考經雖謂其相承度禮深疑其有失欲請跪爐仍舊餘  
依常位立班詔可其言仍令行香之後飯僧百人永為定制  
少帝以天福七年六月即位上高祖尊謚曰聖文章武孝皇帝  
十月中書奏大常禮院狀申高祖十二月二十日祔饗于大廟  
禮畢合定逐年四季郊壇配座准禮例逐年勸造祠祭畫日及  
編附令式伏請奏聞宣下者靖祖孝安帝皇帝配冬至祀昊天上帝

身至祭皇地祇肅祖孝簡皇帝配上辛祀昊天上帝孟冬祭神州地祇睿祖孝平皇帝配孟身寧祀昊天上帝憲祖孝元皇帝配季秋大饗祀昊天上帝以前天福二年七月勅配座令伏緣高祖祔廟伏請憲祖配孟冬祭神州地祇高祖配季秋大饗祀昊天上帝從之

八年二月以寒食節帝幸南莊遙奠顯陵焚御衣衣著絳錢至暮還宮

開運二年正月宗正卿石光贊上吉園陵宗廟請依古義時節薦新從之

漢高祖初即位追尊太祖高皇帝世祖光武皇帝為不祧廟以親廟高祖司徒府君諱上謚曰明元皇帝廟號文祖高祖母隴西郡夫人李氏謚曰明貞皇后曾祖太保府君諱上謚曰恭僖皇帝廟號德祖曾祖母號國太夫人楊氏謚曰恭惠皇后烈祖太傅府君諱上謚曰昭獻皇帝廟號翼祖烈祖母魯皇后烈祖李氏謚曰昭穆皇后烈考太師府君諱上謚曰章聖皇帝廟號顯祖烈妣吳國太夫人安氏謚曰章懿皇后

乾祐元年正月吏部奏鄧州臨湍縣下一字犯文祖明元皇帝廟諱勅改為臨澗縣仍付所司

隱帝以乾祐元年二月即位上高祖尊謚曰睿文聖武昭肅孝皇帝

十二月奉六廟神主于洛陽命宰臣蘇禹珪使副大府卿劉暉冊焉

二年兵部員外郎盧夔上言恭以高祖皇帝驅除戎虜救解倒懸德被生民功高遠古請依西漢祖宗故事于三京陝府許宋等州舊卽立別廟塑像以時禋祀以表遺愛從之

周太祖廣順元年二月癸丑寒食節帝出玄化門至蒲池設御幄遙拜諸陵用家人之禮也

五月辛未太常卿邊蔚上追尊四廟謚議皇高祖諱璟請上尊謚曰睿恭皇后廟號信祖陵曰溫陵皇高祖妣夫人張氏請上尊謚曰睿恭皇后皇曾祖大保諱諶請上尊謚曰明憲皇帝廟號僖祖陵曰齊陵皇曾祖妣鄭國夫人申氏請上尊謚曰明孝皇后皇太傅謚蘊請上尊謚曰翼順皇帝廟號義祖陵曰節陵皇祖妣陳國夫人韓氏請上尊謚曰翼敬皇后聖考大師諱

簡請上尊謚曰章肅皇帝廟號慶祖陵曰欽陵聖妣燕國夫人王氏請上尊謚曰章德皇后又內出忌辰信祖四月十七日睿恭皇后十月二十七日僖祖十二月七日明孝皇后正月十二日義祖五月九日翼敬皇后十一月十四日其三祖忌辰皇帝不視事宰臣百官赴佛寺行香慶祖九月十四日章德皇后三月十八日忌辰皇帝不視事一日宰臣百官西上閣門進名奉慰後赴佛寺行香勅敬依典禮

七月癸酉太廟冊禮使馮道等至西京廟每室讀寶冊行祔饗之禮從西第一室信祖睿和皇帝睿恭皇后張氏祔饗第二僖祖明憲皇帝明孝皇帝申氏祔饗第三義祖翼順皇帝翼敬皇后韓氏祔饗第四慶祖章肅皇帝章德皇后王氏祔饗宰臣

百寮進名奉慰辛酉帝被袞冕御崇元殿授太廟四室寶冊于使中書令馮道等是日侍中進冊中書令進寶太祖降階授之于使悽然感慟

八月庚子賜冊太廟使及行事官綵帛銀器有差二年三月丁巳寒食太祖幸城南園申遙奠之敬用家人之禮也

十二月南郊太禮使中書令馮道自西京奉太廟神主至群臣班于西御園之東帝郊迎望輿再拜有司相禮廟主就行廟幄親行奠饗禮畢帝移蹕太廟門俟神輿至再拜百官陪位皆再拜宮闈令奉主于四室帝設奠行祔饗禮畢還宮三年七月太常上言祭禮宗廟之祀三年一祫以孟冬五年一

禘以孟夏恭惟追尊四廟經今三年准禮合改十月孟冬薦享為祫從之是月命兵部侍郎邊歸讜朝拜漢魯陵潁陵

世宗顯德元年正月即位三月上太祖尊謚曰聖神恭肅文武孝皇帝

六月親征河東迴至新鄭縣丙寅親拜嵩陵望陵號慟至陵祔伏悲泣哀感左右拜訖祭奠而退賜奉陵將吏及近郊人席有差

五年四月遷五廟神主入于新廟先是以舊太廟在天街之側患其囂塵所及故改創今廟制度宏壯不日而成時帝征淮南車駕在行權東京留守王朴率留司百官奉迎神主以安於室六月禘於太廟

恭帝以顯德六年六月即位八月上世宗尊謚曰睿武孝文帝

新刊監本冊府元龜卷第三十一

新刊監本冊府元龜卷第三十二上

帝王部 三十二

崇祭祀

書曰先王顧諟天之明命以承上下神祇洪範八政三曰祀禮  
大宗伯之職曰以吉禮事邦國之鬼神祗故祭天曰燔柴祭地  
曰瘞埋祭山曰廐縣祭曰速浮沉祭星曰布祭風曰磔是類是  
禡師祭也既伯既禱馬祭也除惡之祭為袞會福之祭曰禴告  
事求福曰禱道上之祭為縶意禡以享為禋以類祭神為禴祭  
司命為祗祭冢先為禮月祭為祫禱兩為雩禱明為榮是以聖  
王為之典禮民之精爽不貳齋肅聰明者神或降之乃有神民  
之官各司其序不相亂也民神異業恭而不黷所以神降之嘉

生民以物序災禍不至所求不匱歷代人君罔不偏走群望成  
秩無文故神農播種始諸飲食致恭鬼神顛以絜誠以祭祀項  
其後成湯至于帝乙罔不明德恤祀所以陰陽合而萬物遂也  
詩云以享以祀以介景福又云俾爾彌爾性百神爾主矣故祭  
之言察也察者至也言人事至于鬼也是知神不可慢不可蓋  
黷蓋享以至誠者爾豈犧牲玉帛云乎哉

共工氏霸九州其子曰句龍能平水土死為社祠

烈山氏王天下其子曰柱能殖百穀死為社祠伊耆氏始為蜡

伊耆氏古天子號

舜在璿玉衡以齊七政肆類于上帝禋于六宗望于山川偏于

群神

湯伐桀欲夏社不可作夏社

應劭曰遭天旱七年明德以薦而不政旱故遷社以棄代為稷

欲遷句龍德莫能繼故作夏社說不可遷之義免也

遷字廼遷烈山子柱而以周棄代為

稷祠周文王巡守而祀四嶽河海般之詩

成王周公相文王道大洽制禮作樂天子曰明堂辟雍諸侯曰

泮宮郊祀后稷以配天宗祀文王于明堂以配上帝四海之內

各以其職來助祭天下名山大川懷柔百神咸秩無文伍嶽視

三公四瀆視諸侯而諸侯祭其疆內名山大川大夫祭門戶井

竈中雷伍祀庶人祖考而已各有典禮而淫祀有禁是時士巡

守告祭柴望作時邁之詩春秋祈穀于上帝作噫嘻之詩郊祀

天地作昊天有成命之詩

漢高祖初起禱豐枌榆社狗市為沛公則祀蚩尤蒙鼓旗漢書本紀

載高祖立為沛公祠黃帝遂以十月至霸上立為漢王  
祭蚩尤于沛庭而擊鼓

二年東擊項籍而還入關問故秦時上帝祠何帝也對曰四帝

有白帝黃赤帝之祠高祖曰吾聞天有五帝而四何也莫知其

說于是高祖曰吾知之矣廼待而具五也廼立黑帝祠名曰北

時有司進祠上不親往悉召故秦祀官復置大祀大宰如其故

儀禮因命縣為公社官社下詔曰吾甚重祠而敬祭今上帝之

祭及山川諸神當祠者各以其禮時如祠故後四歲天下已

治粉榆社常以春時以羊彘祠之令祝祠立蚩尤之祠于長安

置祠祀官女巫其梁巫祠天地社天祠水房中堂上之屬晉巫

祠五帝東君雲中君巫社巫祠命施之屬糜九天巫祠九天皆以

族纍之屬荆巫祠堂下巫司命施之屬糜九天巫祠九天皆以

歲時祠宮中其河巫祠河于臨晉而南山巫祠南山秦中者二

世皇帝也各有時日其後二歲或言曰周吳而邑立右稷之祠

至今血食天下又制詔御史其天

下立炁星祠常以歲時祠以牛

十年春有司請令縣常以春二月及臘祠稷以羊彘民里社各

自裁以祠制曰可高祖已來名山大川在諸侯諸侯祀各自奉

祠天子官不領及文帝時齊淮南國廢今太

祝盡以歲時

致禮如故

文帝十三年以歲比登詔有司增雍五時路車各以乘駕被具

駕車被馬之西時哇時寓車各一乘寓馬四匹駕被具河湫漢

文飾皆具也水王加二及諸祀皆廣壇塲圭帛俎豆以羞加之

十四年詔曰朕獲執犧牲珪幣以事上帝宗廟十四年于今歷

日彌長以不敏不明而又撫臨天下朕甚自愧其廣增諸祝壇

場珪幣昔先王遠施不求其報望祀不祈其福右賢左戚先民

後已至明之極也今吾聞祀官祝釐釐福也皆歸福于朕躬不

為百姓朕甚愧之夫以朕之不德而專鄉獨美其福百姓不與

為與音預是重吾不德也重音直用反其令祠官致敬無有所祈

十五年黃龍見成紀詔曰有異物之神于成紀毋害于民歲可

以有年朕幾郊祀上帝諸神幾讀日翼禮官議毋諱以朕勞無諱以朕為勞

首言不以為勞也有司皆曰古者天子夏親郊祀上帝于郊故曰郊于

是夏四月文帝始幸雍郊見伍時祠衣皆上赤赦天下脩名山

大川嘗祀而絕者有司以歲時置禮先是趙人新垣平以望氣

成伍采若人冠冕為或曰東北神明之舍西方神明之墓也天

瑞下宜立祠上帝以合符應于是作渭陽五帝廟同宇帝一殿

面五門各如其帝也祠所用及儀亦如雍五時明年夏四月文

帝親拜霸渭之會以郊見渭陽五帝廟臨渭其北穿蒲池溝水

權大舉祠若先輝然屬天馬于是貴平至上大夫賜累千金

而使博士諸生制六經中作土制謀議巡狩封禪事文帝出長

門若見五人道北遂因其孝景即位十六年官祠各以歲時如故

武帝建元元年五月詔曰河海潤千里其令祠官修山川之祠

為歲時曲加禮

元光二年十月行幸雍祠五時郊祀至後常三歲一郊見

元狩元年十月行幸雍祠五時獲白麟

二年十月行幸雍祠五時

元鼎四年十月行幸雍祀五時

十一月甲子立后土祠于汾陰睢上

五年十月行幸雍祠五時

十一月辛巳朔旦冬至立泰時于甘泉天子親郊見朝日夕月

詔曰朕且眇身託于土侯之上德未能饒民民或饑寒故巡祭

后土以祈豐年冀州睢壤廼是文鼎獲薦于廟渥注水出馬朕

其御為戰戰兢兢懼不克任思昭天地內惟自新詩云四牡翼翼  
翼呂征不服親省邊垂用事所極望見泰一脩天文檀檀古辛  
郊夜若景光十有二明易曰先甲三日後甲三日朕甚念年歲  
來歲登飭躬齊戒丁酉拜况于郊况賜也

元封元年正月詔曰朕用事華山至于獄中獲駿庶見夏后啓

女名啓生而女化為石在嵩高山下翌日親登崇高御史乘屬在廟天子出御史除二人

為乘嘗護駕車吏卒咸聞呼萬歲者三祭禮罔不答其令祠禁無伐其

草木呂山下三百戶為之奉邑名曰嵩高獨繫祠復亡所興

二年十月行幸雍祠五時春辛緱氏遂至東萊夏四月还祠泰

山

四月行幸雍祠五時幸河東

三月祠后土詔曰朕躬祭後土地祗見光集于灵壇一夜三燭

幸中都宮殿上見光其赦汾陰夏陽中都死罪呂下賜三縣及

楊氏皆無出今年賦稅

五年冬南巡狩至於盛唐遂北至琅邪並海所過禮祠其名山

大川增封大山還幸甘泉郊泰時

六年三月行幸河東祠后土

天漢元年正月行幸甘泉郊泰時

三月行幸河東祠后土

大始三年三月幸琅邪禮曰成山登之罘浮大海山呼萬歲

四年三月行幸大山祀明堂

四月幸不其不其山名祠神人于交門宮若有鄉坐拜者漢王云神並見且曰

里旦且大且小鄉坐三拜  
鄉讀日鄉坐音木卧反  
作交相之歌

後元元年正月行幸其泉郊泰時帝即位元歌  
紳之屬皆望天子封禪改正度也而上鄉儒術招賢良趙安  
臧等以文學為公卿欲議古立明堂城南以朝諸侯栗趙安  
禪改曆服色事未就寶太后不好儒術使人微伺趙安等  
事安縮服自裁所共諸為皆廢六年實太一後常三歲一  
學之士明年上初至雍郊見五時後常三歲一後常三歲一  
奏祠泰一方曰天神至貴者泰一泰一泰一泰一泰一泰一  
秋祭泰一東南郊日長安城東南郊常奉祠如通之鬼道于  
天子令大祝立其祠長安城東南郊常奉祠如通之鬼道于  
書言古者天子之二年一用泰一壇上如其方後一人奉一  
常以春解祠祠黃帝用一武夷破鏡真羊用羊祠後一人  
馬泰一卓山祠居用牛武夷破鏡真羊用羊祠後一人  
官領之如其方而祠泰一于忌泰一壇上如其方後一人  
詔曰今上帝朕親郊而後土無祀則禮不合也  
令談祠官寬舒議天地生角無祀則禮不合也  
澤中園立為五壇壇一黃犢牛具已祠盡瘞而從祠衣上黃于  
是天子東幸汾陰汾陰男子公孫滂羊等見汾旁祠衣上黃于  
遂立后土祠于汾陰

郊雍至隴西登空惆幸其泉令祠官寬舒等具泰一祠壇徹毫  
忌泰一壇三胲五帝壇環居其下各如其方黃帝西南除入通  
鬼道泰一所用如雍一時物如加醴棗脯之屬殺一犛牛以為  
俎豆牢具而五帝獨有俎豆醴進其下四方地為股食群神從  
者及北斗云已祠胙餘皆祭之其牛色白鹿居其中疑在鹿  
中鹿中水而酒之祭日夕赤月月白以羊疑持泰一祀宰則衣紫  
及繡五帝各如其色曰夕赤月月白以羊疑持泰一祀宰則衣紫  
天子始郊拜泰一朝朝日夕赤月月白以羊疑持泰一祀宰則衣紫  
饗曰天子以室莊神策授皇帝朔而見泰一如雍郊禮其贊  
見馬而衣上黃其祠烈火蒲壇壇旁享次具而有司云祠上帝敬拜  
公卿言皇帝始郊見泰一雲陽有司奉瑄王嘉牲薦享是夜有  
美兆祥宜因此地屬天太史令談祠官寬舒等曰祝領秋及臘間  
福兆祥宜因此地屬天太史令談祠官寬舒等曰祝領秋及臘間  
祠三歲天子一郊見大初二年有司言雍五時無牢執其芬芳  
不備迺令祠官進時犢牢具色食所勝而一木寓馬代駒云及  
諸名山川用駒者悉以物寓馬伐獨行過親祠迺用駒云及  
故武諸所具如毫忘泰一及三真羊馬行赤星五狀寬舒之  
祠宜一歲時致禮凡六祠皆大祝領之至如久神諸明年凡  
它名祠行過則祠去胡其泉泰一所興祠各自主其神終則祠  
已官不生它司皆入胡其泉泰一所興祠各自主其神終則祠  
山五年一脩封  
武帝凡五脩封

武帝凡五脩封  
山五年一脩封  
已官不生它司皆入胡其泉泰一所興祠各自主其神終則祠  
它名祠行過則祠去胡其泉泰一所興祠各自主其神終則祠  
祠宜一歲時致禮凡六祠皆大祝領之至如久神諸明年凡  
故武諸所具如毫忘泰一及三真羊馬行赤星五狀寬舒之  
諸名山川用駒者悉以物寓馬伐獨行過親祠迺用駒云及  
不備迺令祠官進時犢牢具色食所勝而一木寓馬代駒云及  
祠三歲天子一郊見大初二年有司言雍五時無牢執其芬芳  
福兆祥宜因此地屬天太史令談祠官寬舒等曰祝領秋及臘間  
美兆祥宜因此地屬天太史令談祠官寬舒等曰祝領秋及臘間  
公卿言皇帝始郊見泰一雲陽有司奉瑄王嘉牲薦享是夜有  
見馬而衣上黃其祠烈火蒲壇壇旁享次具而有司云祠上帝敬拜  
饗曰天子以室莊神策授皇帝朔而見泰一如雍郊禮其贊  
天子始郊拜泰一朝朝日夕赤月月白以羊疑持泰一祀宰則衣紫  
及繡五帝各如其色曰夕赤月月白以羊疑持泰一祀宰則衣紫  
中鹿中水而酒之祭日夕赤月月白以羊疑持泰一祀宰則衣紫  
者及北斗云已祠胙餘皆祭之其牛色白鹿居其中疑在鹿  
俎豆牢具而五帝獨有俎豆醴進其下四方地為股食群神從  
鬼道泰一所用如雍一時物如加醴棗脯之屬殺一犛牛以為  
忌泰一壇三胲五帝壇環居其下各如其方黃帝西南除入通  
郊雍至隴西登空惆幸其泉令祠官寬舒等具泰一祠壇徹毫

宣帝神爵元年正月行幸甘泉郊泰時

三月行幸河東祠后土帝即位翟光輔政土年共已正南面蓋宗

天子尊事天地修祀山川古今通禮也聞者上帝之祠闕而不

親十有餘年朕甚懼焉朕親飾躬齋戒親奉祀為百姓蒙嘉氣

獲豐年焉明年正月始幸甘泉郊見泰時數有美祥修武帝

故事盛車服敬齊祀之禮頗作詩歌後制誥大常有美祥修武帝

之大者也今闕焉無祀其令祠官以禮為歲事以四時祠江海

雉水其為天下豐年焉自是五岳四瀆皆有常禮祀東嶽泰山

于博中嶽室泰嵩高於南嶽瀟山于瀟西岳華山于華陰北嶽

常山于上曲陽河于臨晉山于江都淮於平氏齊于臨邑界中

皆使者持節侍祠唯泰山與河歲伍祠江水泗余皆一禱而三

祠時南群獲白虎獻其皮牙爪上為立祠又君方士言為隨侯

劍室玉寶璧周康室鼎立四祠于未央宮中又祠大室山于

墨三戶山下密祠天封苑火井于鴻門又立歲星辰星太白

熒惑南斗祠于長安旁又祠三神山于曲城蓬萊山石社鼓

于臨胸之眾山于睡成山于不夜菜山于黃成山祠曰萊山祠

又祠四時于琅邪蚩尤于寺良京師追縣劇則勞谷伍林山日

目五帝僊人玉女祠雲陽有徑路神司祭休屠王也又立伍龍

山僊人祠黃帝天神帝

原水凡相祠于膚施

五鳳元年正月行幸甘泉郊泰時昭帝即位富于春秋未嘗巡祭至此始復行

二年三月行幸雍祠五時

二年三月行幸河東祠后土

甘露元年正月行幸甘泉郊泰時

三年正月行幸甘泉郊泰時

黃龍元年正月行幸甘泉郊泰時

孝元初元二年正月行幸甘泉郊泰時

四年正月行幸甘泉郊泰時

三月行幸河東祠后土

永光元年正月行幸甘泉郊泰時帝即位遵舊儀間歲正月一

后土西至雍祠五時凡五奉泰時后土之祠亦施恩澤時所過毋出田租賜百戶牛酒或賜爵赦罪人

成帝建始元年十二月作長安南北郊罷甘泉汾陰

二年正月罷雍五時辛巳上始郊祀長安南郊詔曰廼者徒泰

時后于南郊北郊朕親饑躬郊祀上帝皇天報應神光並見三

輔長無共張繇役之勞亮切謂供其張切音竹赦奉郊縣長安長

陵天郊在長安南城地郊在長安城北長陵及中都官耐罪都

官京師減天下賦錢筭四十諸官府

三月辛丑始祠后土于北郊

永始二年十一月幸行雍祠五時

三年三月行幸雍祠五時十一月皇天后詔有司復甘泉泰

四年正月行幸甘泉祠泰時

三年行幸河東祠后土

元延二年正月行幸甘泉郊泰時

四年正月行幸甘泉郊泰時

三月行幸河東祠后土

綏和元年三月行幸雍祠五時

二年三月行幸河東祠后土帝即位承相衡御史大夫譚等奏

安及議罷不應禮神祠事具掌禮部奏議門明年衡譚坐事見

官爵乘庶多言不當變動祭祀者又初罷甘泉泰時作南郊日

大風壞其度竹宮折拔時中樹木十圍以上百餘天子異之以

問劉向對曰家人尚不欲絕種祠况於國之神室舊時且其泉

汾陰其雍五時如立皆有神祇感應然後應之非苟而已也武

宣之世奉此三神禮敬勅備神光允著祖宗神祇舊位誠未易

動及陳寶祠自秦文公至今七百餘歲矣漢興世常來光色

赤黃長四五丈直祠而息音聲碎隱野鷄皆雒每見雍天祝寺

以大牢遣侯者乘傳馳詣行在所以為福祥高祖時五來文帝

二十六年武帝七十五來宣帝二十五年來初元五年來亦二

賢臣所共定古今異制經無明文至尊至重難以議說正也前

始納貢禹之議後人相因多不動搖易大傳曰誣神者殃及三世恐其咎不獨止禹等上意恨也後泰一尊莫著于祭祀孝武詔有司曰蓋明始建上下之事營見時于其泉定后土于祭而神祇安之饗國長久子孫蕃茲累世遵業福流于今皇陰寬仁孝順奉循聖緒靡有大愆而久無繼嗣思其各職始從徒南北郊遠先帝之制改神祇舊倭不失天地之心以妨繼嗣春秋六季未見皇孫食不甘味寢不安席朕甚悼焉春秋古善順祀其復其親郊禮如前又復長安雍及郡國祠者明者在陳倉者天子復親郊禮如前又復長安雍及郡國祠者明者在半後成都侯王商為大司馬衛將軍輔政杜鄴說商曰東隣交殺牛不成如西隣之禴祭言奉天之道貴以誠質大得民心也穢祀豐猶不蒙佑德慘薦吉必大來古者壇場有常處燎裡有常用贊見有常禮犧牲玉帛雖備而財不匱車與臣徒雖而動用不勞是古每舉其禮耶者歡說大路所歷黎元不知今其泉河東天地交祀咸失方位遺陰陽之宜及雍五時皆曠遠奉尊之役休而復起繕治其張無解已時皇天著象殆可略知前上其泉先歐失道禮月又奉引復迷祠后土還臨河當度疾風起波泉不可御又雍大兩懷平陽宮垣廼三月甲子震電災林光宮門祥瑞無著徵仍臻近三郡所奏皆有变故不谷不饗何以甚北詩曰率由舊章先王法度文王之郊神于祀子孫千億宜如異時公卿之議復還長安南北郊後皇太后詔復之

哀帝即位寢疾盡腹前世所常具諸祠神官凡七百餘所一歲

三萬七千祠

平帝元始四年正月郊祀高祖以配天宗祀孝文以配上帝時

莽奏請議正五帝兆并立官稷事具常禮部奏議聞

後漢光武建武元年六月己未即位于鄴為壇營于鄴之陽祭

告天地采用元始中郊祭故事八月壬子祭社稷

二年正月壬子立大社大稷于洛陽在宗廟之右方壇無屋有

壇門而已二年八月及臘一歲三祠皆大牢具使有司祠又立

郊兆于城南七里

中元二年正月辛卯初立郊祠后土

明帝永平二年正月辛未初祀五帝于明堂光武帝配

新刊監本冊府元龜卷第三十二 上

新刊監本冊府元龜卷第三十二 下

帝王部三十二

崇祭祀

章帝元和二年二月甲寅詔曰今山川百神應典禮者尚未咸秩其議增脩群祀以祈豐年是月東巡狩辛未柴祭天地群神如故事壬申宗祀五帝于孝武所作汶上明堂以光武帝配如雒陽明堂祀

四月還京都為靈臺十二門作詩各以其月祀而奏之

三年二月戊辰辛中山遣使者祀北嶽出長城史記蒙恬為秦築長城西自臨

洮東至海

二月己卯進幸趙庚辰祠房山于靈壽

靈壽縣名屬常山郡房山今在鎮州房山縣

西北俗明王母  
山上有王母祠

安帝元初六年三月庚辰始立六宗祀于洛城西北時尚書歐陽家說謂

六宗者在天地四方之中為上下四方之宗禮北大社也

延光三年二月辛卯幸太山柴告岱宗太山王者告代之處為五嶽之宗故曰岱宗燔

柴以告天壬辰宗祀五帝于汶上明堂

靈帝建安元年四月復崇高名為崇高前書武帝祠中嶽改嵩高為崇高東觀漢紀曰

使中即將堂谿典請兩因上言改之名為嵩高山

獻帝建安元年七月甲子至洛陽丁丑郊祀上帝

八年十月己巳公卿初迎冬于北郊斯禮廢故曰初總章始復備八

佾舞袁宏紀云迎氣北郊始用八佾佾列也舞者之行列往因亂廢今始備之總章樂官名古之安代樂

魏文帝黃初元年十一月庚午即阼于繁陽燎祭天地五嶽四

### 瀆

二年正月郊祀天地明堂甲戌校獵至原陵乙亥朝日于東郊

是年六月庚子初祀五嶽四瀆咸秩群祀瘞沉珪璧

四年七月乙未大軍當出使大常以特牛一告祠于郊

六年八年帝以舟師入淮九月遣使者沉璧于淮

明帝大和元年正月郊祀武皇帝以配天宗祀文皇于明堂以

配上帝

二月丁亥朝日于東郊

八月己丑夕月于西郊

四年八月辛巳行東巡遣使者以特牛祠中嶽魏書曰行過繁昌使執金吾咸

霸行大尉東以特牛祠受禪壇

景初元年十月乙卯始營洛陽南委粟山為園丘詔曰昔漢氏之初承秦滅學之後採撫殘缺以備郊祀自甘泉后土雍宮五時神祇兆位多不經見並以興廢無常一彼一此四百餘年廢無禘禮古代之所更立者遂有闕焉曹氏世系出自有虞氏今祀圓丘以始祖帝舜配號圓丘曰皇皇帝天方丘所祭曰皇皇后土以舜配伊氏配天郊所祭曰皇天之神以大祖武皇帝配地郊所祭曰皇地之祇以武宣皇后配宗祀皇考高祖文皇帝于明堂以配上帝

十二月壬子冬至始祀皇皇帝天於圓丘以始祖有虞帝舜配自正始以後終魏世不復郊祀

陳留王咸熙元年正月辛長安使使者以璧幣祀華山

晉武帝泰始二年正月詔曰有司前奏郊祀權用魏禮朕不慮改作之難令便為永制衆議紛互遂不特定不得以時供饗神祇配以祖考日夕難企貶食忘安其便郊祀時群臣又議五帝即天地王氣時異故殊其號雖名有五其實一神明堂南郊宜除五帝之坐五郊改五精之號皆同稱昊天上帝各設一坐而已地郊又除先後配祀帝悉從之

二月丁丑郊祀宣皇帝以配天宗祀文皇帝于明堂以配上帝十一月有司議奏古者丘郊不異宜并圓丘方丘于南北郊更脩立壇兆其二至之祀合于二郊帝又從之以如宣帝所用王肅議也是月庚寅冬至帝親祠圓丘于南郊自是後圓丘方澤不別立

大康二年正月有司奏春分依舊請車駕祀朝日寒温未適可不親出詔曰禮儀宜有常若如所奏與故大尉所撰不同復為無定制也間者方難未平故每從所奏今戎事彌息惟此為大

接詔帝復為親祀也

三年正月帝親郊祀皇太子皇子悉侍祠

九年三月壬辰初并二社為一

前漢祖置官社而無官稷王莽置官稷後復故漢王魏但大社有稷而官社無稷故常二社一稷也晉初仍魏無所增損至太康九年逮宗廟而社祠壇與廟俱徙乃詔曰社實一神其無二社之祀

十年六月庚子復置二社

十月詔曰孝經郊祀后稷以配天宗祀文王于明堂以配上帝而周官云祀天旅上帝又曰祀地旅四望望非地則明上帝不得為天也往者衆議除明堂五帝位考之禮文不正且詩序曰

文武之功起于后稷故推以配天焉宣帝以神武創業既已配

天復以先帝配天子義亦所不安其復明堂及南郊五帝位

惠帝元康六年謀壇石中破為二詔更鑿石令如舊置高禘壇

上埋破石入地一丈

元帝大興二年春始議立郊祀儀

尚書令刁協國子祭酒杜夷議宜須旅都容邑乃脩之司

徒荀組據漢獻帝都許郡便立郊自宣于此脩奉驃騎王導僕射荀崧大常華常中書侍郎唐亮皆同組議事遂施行立南郊

于已地其制度皆大常賀循所定多依漢及晉初之儀三月辛卯帝親郊饗配之禮一依武帝始郊故事是時尚未立此壇地

祇衆神共在天郊

明帝大寧三年七月詔曰郊祀天地帝王之重事自中興以來

惟南郊未曾北郊四時五郊之禮都不復設五嶽四瀆名山大

川載在祀典應望秩者悉廢而未舉主者其依舊詳處

成帝咸和八年正月追述明帝前首于覆舟山南立北郊天郊則五

帝之佐日月五星二十八宿文昌北斗三臺司命軒轅后土天

地郊則五嶽四望四瀆五湖五帝之佐沂山太山白山霍山醫

無間山蔣山松江會稽山錢塘江先農凡四十四神也江南諸

小山蓋江佐所立猶如漢西京關中小水皆有祭秩也是日卒

未祀地郊始以宣穆張皇后配地魏氏配地事皆非晉舊也

康帝建元元年正月辛未南郊辛巳北郊帝皆親奉

後魏道武登國元年即代王位于牛川西向設祭告天成禮

天興元年七月遷都平城始立社稷並立壇兆祭天地

二年正月甲子初祠上帝于南郊以始祖神元皇帝配為壇通

壇埽三重天位在其上南面神元西面五精帝在壇壇內壇內

四帝各于其方一帝在末日月五星二十八宿天一太一北極

司中司命司民在中壇內各因其方其餘從食者各一千

餘神馱在外壇內籍用藁秸玉用四珪幣用束帛牲用黝犢器

用陶匏上帝神元用犢各一五方帝共用犢一日月等共用牛

一祭畢燎牲體在于壇南已地從陽之義其瘞地壇兆制同南

郊明年正月辛酉郊天癸亥瘞地于北郊以神元竇皇后配五

嶽名山在中壇內四瀆大川于外壇內后土神元后牲共用玄

牲一玉兩珪幣用束帛五嶽等用牛一祭畢瘞牲體在于壇之

北亥地從陰也其後冬至祭上帝于圓丘夏至祭地于方澤用

牲幣之屬與二郊同冬十月置太社太稷帝社于宗廟之右為

方壇四陛祀以二月八月十月戌皆天牢句龍配社周棄配稷皆

有司侍立祖神常以正月上未設籍于內門內祭牲用羊豕犬

各一宮中立星神一歲一祭嘗以十二月用馬鹿各一牛豕各

二雞一大祖初有兩彗星見劉后使占者占之曰祈之則當掃

定天下后從之故立其祀又立神位二歲一祭常以十月各用

牛一雞一又立王神四歲二祭常以八月十月各用羊一又置

獻明以上所立天神四十所歲一祭亦以八月十月神尊者以

馬次以牛卜以羊皆文巫得事

三年正月癸亥有事于北郊

二月丁亥詔有司祀日于東郊用騂牛一秋分祭月于西郊白羊一

天賜二年四月復祀天于西郊為方壇一置木主七于上東為

一陛無等周垣四門門各依其

方色為名牲白犢黃駒白羊各一祭之曰帝御大駕百官及賓國諸郊大人畢從至郊所帝立青門內近南壇西內朝臣皆位于帝壇北外朝臣及大人咸位于青門之外后率六宮從里門入列于青門內近北並西面廩犧令掌牲陳于壇前文巫執鼓立于陛之東西面選帝之十族于弟七人執酒在巫南西面北上文巫升壇搖鼓帝拜若甫拜百官內外盡拜祀訖復拜拜訖乃殺牲七執酒七人西向以酒灑天神士復拜如此者禮畢而返自是之後歲一祭

明元永興三年三月帝禱于武周車輪二山

初清河王紹有寵于道武性凶悍帝

每以義責之弗從帝懼其變乃于山上祈福于天地神祇及即位壇兆後因以為常祀歲一祭牲用牛帝皆親祠之無常日明年立道武廟于白登山歲一祭其牲大牢帝親祠之亦無常日兼祀皇天上帝以山神配早則禱之多有效是歲又加置大地日月之神及諸小神二十八所于宮內歲二祭各用羊一又別置天神等二十三于道武廟左右其神太者以馬小者以羊

泰常三年為五精帝兆于四郊遠近五行數各為方壇四陛埽壇三重通四門以太暉等及諸佐隨配侑祭

黃帝常以立秋前十八日餘四帝各以四立之日牲各用牛一有司主之又六宗靈星風伯雨師司民司祿先農之壇皆有別兆祭有常牲用少牢立春之日有司迎春于東郊祭用酒脯棗栗無牲幣四瀆四瀆廟于桑乾水之陰春秋遣有司祭有特牲及幣四瀆唯以牲牢准古望秩云其餘山川及海若諸神在州郡者合三百二十四所每歲十月遣祀官詣州鎮遍祀有水旱灾厲則牧守各隨其界內而祈詣其祭皆用牲王畿內諸山川皆列祀次祭若有水旱則禱之

四年八月辛未幸代至鴈門關望祀常嶽

八年正月南巡常岳祀以太牢

四月幸洛陽遣使以大牢祀嵩高華嶽還登太行

五月至自洛陽諸所過山川群祀祀之

太武神麌二年四月以以小駕祭天神禮畢帝遂親戎大捷而

還歸格于稱通告群神

太延元年立廟于常嶽嵩嶽上各置侍祀九十人歲時祈禱水

旱其春秋泮涸遣官率刺史祭以牲牢有玉幣魏之先居幽都也鑿石為祖宗

之廟于烏洛侯國西北自後南遣其地隔遠真君中烏洛侯國遣使朝獻云石廟如故民常祈請有神驗焉其歲遣中書侍郎

李敞詣石室告祭天地以皇祖先妣配祝曰天子諱謹遣敞等用駿足一元大武敢昭告于皇天之靈自啓闢之初祐我皇祖

于彼土田歷載億年聿來南遷惟祖惟父光宅中原克翦凶醜枉定四邊冲人纂業德聲弗彰豈謂幽遐稽首來王具知舊廟

弗毀弗亡攸攸之懷怖仰餘光王崇之興起自皇祖繇繇瓜瓞時惟多祐敢以丕功配饗于天子子孫福孫祿永延敬等既祭

斬禕木立之以掛牲體而還後所立禕木長成材其民益神奉之咸謂魏國感靈祇之應也石室南距代涼可四千餘里明年

六月司徒崔浩奏議所祀多不經案祀典所宜祀凡五十七所餘復重及小神請皆罷之奏可

十二月遣使者以大牢祀北嶽

太平真君十一年十一月帝南征過常山祀以大牢浮河濟祀

以少牢過岱宗祀以太牢遂臨江登衣步而還

文成興光元年正月遣有司詣華嶽脩廟立碑數十人在山上

聞虛中若音聲聲中稱萬歲云和平元年正月帝東巡幸遼西

望祀醫無閭山遂緣西南幸冀州北至中山過常嶽禮其神而

返

二年二月帝南巡過石門遣使者用玉璧牲牢禮常嶽

四月早下詔郡州于其界內神無大小悉灑掃薦以酒脯羊豭

之後各隨本秩祭以牲牢至是群祀先廢者皆復之

獻文皇興二年二月以青徐既平遣中書令兼大常高允奏玉

幣祀于東岳

孝文太和十年四月甲子帝初以法服御輦祀于西郊

十二年閏九月甲子帝觀築圓丘于南郊

十三年正月辛亥有事于圓丘于是初備大駕五月庚戌有事于方澤

十五年八月議肆顛上帝禋乎六宗之禮帝親臨決

十二月壬辰遷社于內城之西己酉帝迎春于東郊

十六年二月甲午初朝日于東郊遂為常

三月乙亥帝初迎氣南郊自此為常

八月庚寅帝初夕月西郊遂以為常

十八年二月乙丑行幸河陰規建方澤之所

十九年正月己亥南征濟淮命大常致祭己未行幸瑕丘遣使以大牢祠岱岳

十一月行幸委粟山議定圓丘甲申有事于圓丘

二十年五月丙戌立方澤于河陰丁亥有事于方澤

宣武景明二年十一月壬寅改築圓丘于伊水之陽乙卯仍有事焉

孝明正光三年十一月乙巳有事于圓丘

五年正月辛丑有事于南郊

出帝天昌元年十一月丁酉日南至有事于圓丘

西魏文帝大統二年正月辛亥祀南郊改以神元皇帝配

四年正月辛酉拜天子清暉室終帝世遂為常

四十五日辛酉... 西歷文帝大統二年五月辛酉... 出帝天啓元年十一月丁酉... 正統五年五月辛酉... 崇禎元年十一月丁酉... 宣統元年十一月丁酉... 二十五年... 十一年... 十八年... 宣統元年...

新刊監本冊府元龜卷第三十三

帝王部 三十三

崇祭祀第二

後周閔帝元年正月辛丑即天王位柴燎告天壬寅祠圓丘詔曰予本自神農其子二立宜作厥主始祖獻候啓土遼海肇有中國其配南郊文考德符五運受天明命祖于明堂以配上帝廟為大祖癸卯祠方丘甲辰祠大社辛亥祠南郊二月癸酉朝曰于東郊戊寅祠大社

八月戊辰祠大社

明帝元年十月乙酉圓丘丙戌祠方丘甲午大社

十月丁未祠圓丘

武帝保定元年正月庚戌祠圓立壬子祠方立甲寅祠感帝于南郊乙卯祠大社

二月甲午朝日于東郊

大和元年三月丙午祠南郊

二年三月初立郊立壇壝制度

三年正月辛丑祠南郊

建德二年正月辛丑祠南郊

六年五月己丑祠方立

宣帝宣政九年六月即位七月丙午祠圓立戊申祠方立八月

丙寅夕月于西郊

隋高祖開皇元年二月甲子即位設壇于南郊又使柴燎告天

丙寅詔脩廟社

三年四月癸巳親雩

五月辛酉有事于方澤

八月戊子有事于太社

四年正月辛未有事于南郊

七年二月丁巳朝日于東郊

十年十一月辛丑有事于南郊

十二年十一月辛亥有事于南郊

十四年閏十月詔東鎮沂山南鎮會稽山北鎮醫無閭山冀州

鎮霍山並就山立祠東海于會稽縣界南海于南海鎮南並近

海立祠及四瀆吳山並取側近巫一人主知灑掃並命多蔣松

栢其霍山粵祀日遣使就焉甲戌年正月又詔此鎮于冀州龍山立祠東鎮晉州霍山鎮若修造

並西鎮吳造神像

十五年正月東巡狩次齊州丙寅旂王符山

三月己未至自東巡狩望祭五嶽海瀆

六月辛丑詔名山大川未祀典者悉祀之

十八年十一月癸未有事于南郊

仁壽元年十一月己丑有事于南郊

煬帝大業元年三月春祀感帝孟冬祀神州改以高祖文帝配

其餘並用舊禮

四年八月辛酉親祀常岳河北道郡守畢集

十一年十一月乙巳有事于南郊

唐高祖武德元年五月甲子即位遣兼太尉禮部尚書肅造于

南郊

二年十月辛華陰甲子親祠華山

三年四月親祀華山

四年十一月甲申有事于南郊

七年六月辛仁智宮以少牢祭告所山川

九年正月丙子詔曰原地載物社主其祭嘉穀養民稷惟元祀

列聖垂範昔王通訓建邦正位莫此為先爰暨都邑逮于州里

率土之濱咸極莊敬所以勸農務本脩始報功敦序教義整密

風俗末代澆淳祀典虧替時逢喪亂仁惠弛薄壇壝闕昭備之

禮鄉閭無紀合之訓朕握圖受曆菲食卑宮奉誌壁以尊嚴潔

柴盛而禋燎尚想躬稼屬精治本永言享祀宜存億紀是以告  
曰惟戊親祀太牢率從百僚以祈九穀今既南畝俶載東作方  
興州縣致祀宜盡祗肅四方之民咸勤殖藝隨其性類命為宗  
社京邑庶士臺省群官里閭相從共尊社法以時共祀各申祈  
報兼存宴醕之義用洽鄉黨之歡且立節文明為典制進退俯  
仰登降折旋明加誨厲遞相勸獎齊之以禮有恥且格布告天  
下即宜遵用戊寅親祀稷

太宗以武德九年八月甲子即位遣兼太尉司空裴寂柴燎告  
天子南郊

貞觀五年十一月丙子帝有事于南郊

十四年十一月甲子朔旦冬至親祠南郊

十七年十月甲寅詔曰朕聞上靈之應疾于影響茂社之興積  
于年代朕嗣膺寶曆君臨區宇憑宗社之介福賴文武之同心  
時無風塵之警野有京坻之積厚地降祉貞石表祥營翠色而  
派光發素質而成字前紀厥初之德次陳卜年之永後述儲貳  
之美並名字昭然措則相次曠代之所未聞故老之所未覩猥  
以寡德虔奉成命緬惟往載良增兢惕自天之佑豈惟一人無  
疆之福方覃九土自非太報泰壇稽首上帝則靡申奉天之志  
寧副臨下之心今年冬至有事南郊所司率由舊典十一月己  
卯有事于南郊太宗升壇皇太子從奠于時累日陰雪是日猶  
雲霧晦冥及太宗升壇煙氣四徹風景清朗文物昭煥禮畢祝  
官讀謝天瑞文曰嗣天子臣諱敢昭告于昊天上帝諱慕承鴻

基君臨宇縣夙興奸食無忘于政道導德齊禮良愧于前聖爰  
有成命表瑞貞石文字昭然曆數惟永既旌高廟之業又錫眇  
身之祚逮于皇太子某亦降禎符並具紀姓氏兼列名字仰瞻  
霄漢寔銘大造俯惟寡薄彌增寅懼敢因太禮重薦玉帛上謝  
明靈之貺以伸祗慄之誠皇太子某亦恭至太壇虔拜于蒼昊  
庶憑祐眷之德永膺無疆之體初十六年太宗遣刻受命玄玉  
璽白玉為螭首其文云皇天景  
命有德者昌並神筆肆書然  
後舊勒是日侍中負之以從  
十九年征遼三月丁丑幸定州經北岳帝自為文祭之

高宗永徽三年三月甲子詔升先蠶為中祀

乾封二年十二月甲午詔曰夫受命承天崇至敬于明祀膺圖  
纂錄昭大教于嚴配是以薦鮪鱻于清廟集振鷺于西雍宣雅

頒於大師明肅恭于祖考用能敬配天之盛業嗣積德之鴻基

永播英聲長為稱首自周京道喪秦室政乖禮樂淪亡典經殘

滅遂使漢朝博士空說六宗之文晉代鴻儒爭陳七祀之議或

同昊天于五帝或分感帝于五月自茲以降遞相祖述謏論紛

紜是非莫定朕以寡薄嗣膺丕緒肅承禋祀明發載懷虔奉宗

祧寤寐興感每惟宗廟之重尊配之儀思革舊章以申誠敬禮

曰化人之道莫急於禮禮有五經莫急於重祭者非物自外至

也自内生於心也是以惟賢者乃能盡祭之儀况宗祖功德道

冠百王盡睭窮神義高千古自今以後祭圓丘方丘明堂感帝

神州等禮高祖大武皇帝太宗文皇帝崇配仍摠祭昊天上帝

及五天帝于明堂庶因心致敬獲展虔誠宗祀配天永光鴻烈

上元三年二月詔以今冬有事於嵩嶽令所司修撰儀注務從典故閏三月詔以吐蕃犯塞停嵩嶽封禪之禮

永淳二年春正月甲午朔車駕發東都唐子至奉天宮遣使祭嵩嶽及少室箕山具茨等山西王母啓母廟中宗神龍元年五月改先農為帝社壇西帝稷壇禮同太社大稷壇不備方色所以異於大社也

九月壬午親祀昊天上帝皇帝祇于明堂高宗天皇大帝配景龍三年十一月乙丑親祀南郊

十二月甲午幸新豐溫湯境內有自古帝王陵致祭

睿宗太極元年正月辛巳有事於南郊

五月戊寅有事于北郊

玄宗先天二年八月癸丑封華岳神為金天王

開元四年二月甲子命有司以少牢致祭驪山仍禁樵採時太旱應禱而雨報之也

五年正月命石散騎常侍褚無量黃門監致祭于帝堯祠吏部尚書兼黃門監宋璟致祭于帝舜祠紫微侍郎同紫微黃門平章事蘇頲致祭于夏禹祠各令當州刺史上佐為巫獻終獻十二月戊寅詔曰國之太事在祀神之所歆惟敬絜誠而齋精意以享則可臻介福致休祥深慮有司未副厥百所緣宗廟社稷岳瀆等祭宜令禮官博士斟酌古今務加虔肅合于典禮即詳定奏聞

八年三月勅頃歲未登水旱不節今春事方起農桑是憂祈于

上玄福茲下土展式郊禋之禮以申誠請之心宜令左常侍元  
行冲攝侍中祠南郊大常長官分祭華岳温湯

十年十二月壬寅將北巡詔曰王者承事天地以為主郊享奉  
尊以通神蓋燔柴天壇定天位也瘞埋大圻就陰位也將以昭  
報靈祇克崇嚴配爰追秦漢稽諸祀典立其泉于雍時祠后土  
于汾陰遺廟巋然靈光可燭朕觀風唐晉望秩山川肅恭神明  
思致嚴敬為人求福以輔升平合此神符應于嘉德宜以來年  
正月北巡狩行幸至汾陰以二月祠后土所司准式先是雖上  
有后土祠

嘗為婦人素像則天時移河西梁山神素就祠中配焉至是有  
司送梁山神像於祠外之別室內出錦綉衣服以上后土之神  
乃更加裝飾焉又于祠堂院外設壇如皇  
地祇之制及所司起作獲寶鼎三枚以獻

十一年正月行幸北都二月壬子祠后土於汾陰之睢上  
四月庚申勅曰東河冀方其鎮惟霍神為天吏山有岳靈在昔  
皇業初興肇蒙嘉祉今者省方旋軫重獲休徵同受三神之貺  
獨忘百邑之禮其霍山宜重飾祠廟秩視諸侯蠲山下十戶以  
為灑掃晉州刺史春致祠

九月癸未制曰帝王承天必重告類之典文武尊祖是遵嚴訓  
之義所以克荷成命昭升前烈蓋王者之子道乃聖人之神教  
朕以寡昧猥承丕緒獲主祭祀一祀于茲輔相之宜下不足以  
被物馨香之德上不足以動天故歲或不登刑且未恤內省為  
媿大禮猶踈星畧驟遷夙夜祇懼今四夷內附諸侯率職群生  
和洽百物阜蕃猶恐教或未孚求之皇極誠有不達觀于國風  
故親巡河東祈穀睢上神歆有答歲物以豐此皆先聖無疆之

休上玄啓祐之貺冀因報謁式展誠敬宜以迎日之至允備郊天之禮所司詳擇舊典以聞十一月戊寅親祀南郊

十二年十一月庚午幸東都勅有司所經名山大川自古帝王陵忠臣烈士墓精意致祭以酒脯時菓用代牲牢丙寅至華州命刺史徐之仁與信安王禕勒石于華岳祠南之通衢帝親製其文

十三年十一月壬辰詔封大山神為天齊王禮秩加三公一等宜令所管朕崇飾祠廟去山十里禁樵採

十六年六月丁亥詔曰爰自首春有愆時雨朕憂勤黎獻精禱靈祇遂蒙九玄垂福百神効趾膏澤頻降嘉生繁育睠彼山川能興雲雨報功亨德祀典存焉諸州所管名山太川宜命當處長官設祭務盡誠敬以昭典禮庚寅詔曰宗社垂祐陰陽順成其澤應時庶物繁育祇奉靈慶寅畏載深宜令中書門下肅事昭報仍令所司擇日奏聞

十八年正月丁巳親迎氣于東郊禮畢詔其海內五嶽四瀆及諸鎮名山太川及靈跡各令郡縣逐處設祭

八月丁酉詔曰祭主于敬神歆惟德黍稷非馨蘋藻可薦宣尼闡訓以仁愛為先句龍業官以生植為本普天率土崇德報功饗祀惟殷封割滋廣非所以全惠養之道叶靈祇之心其春秋二社及釋奠天下諸州府縣等並停牲牢惟用酒脯務在修潔足展誠敬自己今以後以為常式

十九年四月壬辰兩京及天下諸州各置太公廟一所制曰乾

坤冲用陰陽所以運行帝王大業文武所以垂範故四序在乎  
平分五財資于並用式稽乾坤之意載明文武之道永言舊章  
斯典未洽自我而始爰備闕文昔羲皇立弧矢之像黃帝有甲  
兵之事將以定禍亂濟生靈分二柄而齊設配兩儀而共久至  
若用之以仁義行之以禮樂龍豹卷舒而莫測星辰應變而無  
方誰其尸之則齊大公之道也故宣尼大聖立文以化成尚父  
維師仗武而引訓齊魯之道列親賢之教興鬱為政源崇我王  
業遂使金石之奏永播于躡龍之庭蒸嘗之享不行于非熊之  
室文武並設斯不然矣豈王風雲季禮没于前脩將帥是尊慶  
彰于今日式崇大典垂裕後昆宜令兩京及天下諸州各置大  
公尚父廟一所以張良配享春秋二時取仲月上戊日祭諸州  
賓貢武舉人准明經進士行鄉飲酒禮每出師命將辭訖發日  
便就廟引辭仍簡取自古為將功業顯著康濟人生者十人准  
十哲例預享

甲辰有司五歲四瀆以尚書省諸曹郎分往諸州祭焉

二十年四月戊申命有司擇日就祭五歲四瀆

十一月庚申祀后土于睢上命有司陳禮帝質明而享是日太  
赦制五歲四瀆名山大川各令致祭務盡誠潔

二十二年四月詔曰春秋祈報郡縣常禮比不用牲豈云血祭  
陰祀貴臭神何以歆自今已後州縣祭社特牢宜依常式

六月詔曰春來多雨歲事有妨朕自誠祈靈祇降福以時聞霽  
迄用登成永惟休徵敢忘昭報宜令所司擇日享九廟仍令高

品官祭五歲四瀆其天下名山大川各令所司長官致祭務盡誠潔用申精意

二十三年正月乙亥籍田祀先農禮畢詔五歲四瀆名山大川並令所在長官以禮致祭已卯勅曰自今已後有大祭宜令丞相特進少保少傅尚書賓客御史大夫攝行事

二十四年七月庚子有上封事者言月令云八月日月會于壽星居列宿之長五月土之數以生為大臣竊以壽者聖人之長也土者皇家之德也陛下首出壽星之次旅于土德之數示五運開元之期萬壽無疆之應伏請兩京各改一殿以萬壽為名至千秋節會百寮于此殿如受元之禮每至八月社日配壽星祠于大社壇享之詔曰德莫大于生成福莫先于壽考苟有所

主得無祝之今有事上者言仲秋日月會于壽星以為朕生于是月欲以配社而祭于義不倫且壽星角亢也既為列宿之長復有福壽之名豈惟朕躬獨享其應天下萬姓寧不是懷蓋秦時已有壽星祠亦云舊矣宜令所司特置壽星壇常以千秋節日脩其祀典甲辰勅壽星壇宜祭老人星及角亢七宿著之常式二十五年十月戊申勅曰時和年豐神所福也精意備物祭之義也朕每為蒼生常祈稔歲微誠有感不應乃彰今宗社降靈神祇効祉三時不害百穀用成遂使京坻遍于天下和平之氣既無遠而不通禋祀之典亦有所報宜令兵部尚書兼中書令晉國公李林甫工部尚書同中書門下三品幽國公牛仙客即分祭郊廟社稷尚書左丞相裴暉卿祭中嶽禮部尚書杜

過祭東嶽御史大夫李通之祭西嶽大子賓客王丘祭北嶽國  
子祭酒張說祭南嶽及四瀆四海四鎮及諸名山靈跡等各委  
所由州長官祭仍令所司即擇日開奏務脩蠲潔之禮以致精  
明之德冀申誠懇如朕意焉

二十六年正月丁丑親迎氣于東郊祀青帝

天寶元年正月丁未改元制曰前王重典在乎祭祀禮屬惟新  
事宜昭告五嶽四瀆名山大川諸靈跡及自古帝王忠臣義士  
並令所由州縣致祭

是月甲寅得靈符于尹喜臺西百官請崇徽號壬申詔曰神仙  
所緘造化同固爰初有待經韞積而多時潛應改元若符契之  
相合景福攸介祇畏良深而群官宗室抗疏于外元良諸子屢  
請于中迨夫緇黃兼彼老者以至懇誠不已前後相仍願加天  
寶之名用益開元之號顧惟菲薄曷以當之然則玄旣在乎欽  
承人心難以稱拒順天從衆義叶至公敬依所請實用多愧斯  
蓋上玄厚載爰自百神孚佑効靈通于睿祖幽贊惟新之曆克  
彰永代之祥宜遵祀典式陳昭報可以來月十五日祔玄元皇  
帝廟十八日享天廟二十日有事于南郊宜令中書門下與禮  
官等即詳定禮儀具錄聞奏應緣行事及檢校官等各委有  
司不須別差人執當其北郊宜差公卿擇日祭五嶽四瀆及名  
山大川各令所在長官備禮陳祭務申誠敬副朕意焉  
二月丙戌詔曰凡所祀享必在躬親朕不親祭禮將有闕其天  
皇地祇且就南郊乾坤合祭

三月丙申合祭天地于南郊

十月戊寅詔曰社為九土之尊稷乃五穀之長春祈秋報祀典是尊而天下郡邑所置社稷等如聞祭事或不備禮苟崇敬有虧豈靈祇所降歆望和氣豐年為可致也朕永惟典故務在潔誠俾官吏盡心庶蒼生蒙福自今已後應祭官等庶事宜倍加精潔以副朕意其社壇側近仍禁樵牧至如百姓私社宜與官社同日致祭

十二月乙亥詔曰歲之豐儉雖繫于常数天之感應實在于精誠頃者按以陰陽求諸步推至於今歲不合有年朕所以齋心妙門懇其玄德靈徵不遠丕應乃彰果獲西成頗為善熟蓋至道儲祉惠于蒸人亦群神叶贊錫以昭假詩不云乎無德不報

宜令光祿卿嗣鄭王希言祭東嶽大子詹事嗣許王瓘祭中嶽太常卿常緇祭北嶽所司即擇日錄奏其四瀆又諸名山大川或遠近不同各委所由郡長官便擇吉日致祭務崇豐潔以稱朕懷

三載二月戊寅升社稷五星為大祀詔曰祭之為典以陳至敬名或不正是相奪倫况社稷享佑百代蒙其福日月照臨五星叶其紀兆庶允殖下土式瞻既超言象之外須極尊嚴之禮列為中祀頗紊大猷自今已後社稷及日月五星並升為大祀仍以四時致祭諸星升為中祀庶昭報之誠格于上下欽崇之稱合于典則

四月丙辰遣使分祭嶽瀆詔曰務農勸穡雖用天道人和歲稔

實賴休禎頃者春夏之交稍愆時雨收穫之祭復屬秋霖慮害  
農功每祈孚祐遂得百神降福群望効靈既不為災仍多善熟  
幽贊之德普洽于主人昭報之儀式遵于祀典宜令太子詹事  
嗣許王瓘祭東嶽光祿卿祀鄭王希言祭中嶽宗正卿濮陽郡  
王徹祭西嶽少府監李知柔祭南嶽衛尉卿嗣美王祗祭淮瀆  
光祿少卿彭果祭河瀆所司擇日奏錄其名山大川有路近處  
亦令便祭僻遠處委所由長官備禮致祭務陳蠲潔以達精誠  
十一月癸亥勅曰王者父事天母事地所以昭孝敬之道通神  
祗之德朕虔奉明命備稽大猷實在緣情不惟相襲伏以昊天上  
帝義在精嚴恭惟祀典每用冬至既于是日有事圓丘更受朝  
賀實深兢惕自今已後冬至宜取以次日受朝仍永為常式士  
申勅曰惟敬明神普存于祀典咸秩群望式重于邦畿頃者分  
命使臣致誠嶽瀆山川便近亦已有處分其關輔之內屬有陳  
祈王者所都禮亦異數應關內名山大川各委所由郡長官稍  
優于常禮致祭于京兆府界宜委蕭照同與少尹分祭倍宜精  
潔以副誠祈

十二月癸巳制曰惟神之主必恭禋祀率先之訓義在躬親朕  
欽若昊穹子育黎庶思通明靈之德以洽和平之理是脩關典  
咸秩無文如在之誠久陳于郊廟懷柔之至亦徧于山川况九  
宮所主百神之貴上分天極下統坤維陰陽生靈功深亭育故  
式昭新典肇建明祠將以為人載祈孚佑宜叶元辰之吉用申  
大祭之禮可以今月立春朕親祀九宮壇仍令中書門下與禮

官等即詳定儀注奏聞癸丑親祀九宮貴于東郊時有術士蘇嘉慶上

言請于京城東朝日壇東置九宮貴神壇其壇三成成三赤四階其上依位置九壇壇尺五寸東南曰昭榘正東曰軒轅東北曰大陰止南曰天一中英曰天符正北曰大一西南曰攝提正西四咸池西北曰青龍五為中戴九履一左三右七二四為上六八為下符于道甲四孟月祭尊為九宮貴神禮次昊天上帝而在大清宮大廟上用牲牢璧幣類于天地神祇帝親祀之如有司行事即宰相為之

四載勅風伯雨師並宜升入中祀乃令諸郡各置一壇因春秋祭社之日同甲享祀至九月勅諸郡風伯壇置在社壇之東雨師壇之西各稍北三數十步其壇卑小于社壇其祭官准祭社例取太守以下

五載正月乙亥詔曰五方定位嶽鎮摠其靈万物阜成雲雨施其潤上帝攸叙寰區是仰且岱宗西華先已封崇其中嶽等三方典禮所尊未齊名秩永言光被用叶靈心其中嶽神宜封為中天王南嶽神為司天王北嶽神為安天王應頒告祭仍令所司擇日聞奏

四月乙亥詔曰皇王之典聿循于百代郊祭之儀允屬于三靈聖人既因時以制宜王者亦緣情以革禮朕丕承寶運肅尊明禋曷嘗不克已齊心虔恭夙夜猶慮舊章或闕誠敬未孚有一于此良深祗畏且尊莫大于天地祀莫大于祖宗嚴配昭升豈宜異類今蒸嘗之獻既著于常式南北之郊未展于時享粢盛且畧對越何申自今以後每載四時孟月先擇吉日祭上帝其

以皇地祇合祭以次日祭九宮壇皆令宰臣行禮奠祭務崇蠲潔朕意焉祭神如在傳諸古訓以多為貴著自禮經臍膂之

儀蓋昔賢之尚質其旨之品亦孝子之盡誠既切因心方資變禮其已後享大廟宜料外每室加常食一牙盤仍令所司務盡豐潔發生振蟄雷為其始畫卦陳象威物效靈氣實本于陰陽功乃施于動植今兩師風伯久列常祠唯此震雷未登群望其已後每祀兩師宜以雷神同祭朕承宗廟之福為神人之主事有未暢義在得中庶寅畏之誠上達于郊廟祈禳之典載收于闕遺凡在有司各揚所職倍宜恭肅以叶靈心

十二月辛酉詔曰孝享宗廟所以達思誠也格于神祇所以崇嚴敬也則祈穀上帝春祀先王永惟因心敢忘如在朕承累聖之丕業應上玄之景祐聿循柴瘞虔奉蒸嘗慮備物未豐馨香莫達頃以詳諸舊典創以新儀清廟陳牲特加于常饋昊天冬祭重增以時享庶乎整齋敬之勤叶殷薦之義况履茲霜露載感惟深瞻彼郊壇有懷昭事念禮歸通變諒期乎達誠教在率先必貴乎親奠宜以耒載正月朕親謁大廟便于南郊合祭仍令中書門下即與禮官詳定儀注擇日奏聞興言拜獻先深祇感凡百有司各供爾職

六載正月戊子親祠南郊遂祠皇地祇詔四瀆五嶽雖差秩序興雲播潤蓋同利物崇號所及錫命宜均其五嶽既已封王四瀆當升公位遞從加等以答靈心其河瀆宜封靈源公祭瀆封清源公江瀆封廣源公淮瀆封長源公仍令所司擇日差使告祭并五嶽及名山大川並令所在長官致祭又諸州武舉人上省先謁太公廟拜將帥及行師尅捷亦宜告獻

七載五年壬午帝加尊號詔五嶽四瀆名山大川各令本郡長官致祭

八年六月詔曰九州之鎮寔著禮經三代之典必崇望秩事既屬于報功義有符于錫命其九州鎮山除入諸嶽外宜並封公仍各置祠宇者量更增脩儲慶發祥當申昭報宜令所在長官各陳祭禮名山大川亦量事致祭

九月命宗正卿褒信郡王謬祭西嶽太僕少卿兼單于安北副大都護張齊立祭北海蜀郡長史鮮于仲通祭江瀆太子詹事李旭祭北嶽尚書右丞李通遷祭江瀆詔曰朕肅恭明祀祈福上玄冀敷佑于黎蒸將昭報于靈應頃蠻夷欵附萬里廓清稼穡豐穰群方樂業豈唯菲德以致元和實賴神休永綏景貺思

崇望秩用展虔誠宜令宗正卿褒信郡王璆等即分往五嶽四瀆及四海致祭所經道次者名山大川亦便致祭務令精意以稱朕懷

九載四月詔曰五材並用特表上灵八水分流實稱善利京師奧穰秦甸王畿灞澹通于涇渭滂滴匯于澧瀉蓄洩雲雨滋育穡稼雖惠澤已及于蒸民誠有闕于祀典聿崇精亨庶達明神其涇渭灞澹等八水宜令禮儀使左庶子韋述取今月二十九日一時備禮致祭務陳蠲潔稱朕意焉

十載正月甲子有事于南郊合祭天地大赦天下制曰禮者所以訓導人裕昭事明祇有因增修以會其本况國之大典在于

精禋必資備禮以彰遵奉自今已後攝祭南郊薦獻大清宫薦  
享大廟其尉行事前一日子致齋所具羽儀鹵簿公服引入朕  
親授祀板乃赴清齋用展誠敬夫子孝奉親極敬惟愛歿有思  
戚霜露之感逾深祭以吉蠲蒸嘗之敬如在且廟者貌也取象  
存焉是禮由于情因心則感大廟宜置內官以備嚴奉仍于廟  
外造一院安置庶申罔極之思無忘事生之禮嶽瀆三川蘊灵  
毓粹雲雨之澤利及生人春秋之義存乎祀典况正其運序式  
遵咸秩其五嶽四瀆及諸鎮山宜令尊使分徃致祭其名山大  
川及諸灵跡先有祠廟者各令郡長官遂便致祭

是月丁未封東海為廣德王南海為廣利王西海為廣潤王北海  
為廣澤王

二月己亥分遣嗣吳王祗祭東嶽天齊王嗣魯王宇祭南嶽司  
天秘書監崔秀祭中嶽中天王国子祭酒班景倩祭西嶽金天  
王宗正少卿李成俗祭北嶽安天王衛尉少卿李漸祭江瀆廣  
源公京兆少尹常常祭河瀆灵源公太子左諭德柳傑祭淮瀆  
長源公河南少尹豆盧回祭濟瀆清源公嗣道王鍊祭沂山東  
安公江東道採訪使吳郡太守趙君真祭會稽山永吳公大理  
少卿李禎祭吳嶽山成德公賴王府長史甘守默祭霍山應灵  
公范陽郡司馬畢悅祭鑿巫閭山廣寧公並取三月十七日庚  
子以時致祭申命太子中允李隨祭東海儀王府長使張九章  
祭南海太子中允柳弁祭西海太子司馬李齊榮祭北海加王  
位且行冊禮也

四月辛巳制曰王者臨馭萬國莫不尊奉五嶽至於迎氣致祀必在辨方正位朕丕承眷命肅事嚴禋庶有合于乾坤用永垂于典實加以厚德載物莫先于土推誠尊氣必叶于時在曆數之有徵諒國家之所感念弘廣大利用豐功隨王雖布于四方歸本且闕于中位朕式明統序用答元符爰創新儀再脩墜典頃者每祀黃帝乃就南郊義實有乖禮亦非便 諸體式理固不然宜乎皇城内西南就坤地改置黃帝壇當親祠以昭誠敬仍令中書門下與禮官更審參詳聞奏

十一月壬午詔曰禮神以玉者蓋取其精潔表心溫潤合德為器有象正辭乃信以達馨香其在珪璧項來禮神六器及宗廟奠玉自馮紹正奏後有司並用珉禮所謂君子貴玉而賤珉不可用也朕精裡郊壇嚴敬宗廟奉惟親之祚庇大平之人則人力普存備物以享安可以珉代玉惜費事神况國家之祈福有萬方之助祭闕典必脩無文咸秩其于天地宗廟奠玉有虧自今已後禮神六器宗廟奠玉並用貞玉諸祀用珉如以玉難得大者寧小其制度以取其貞

十三載二月制五嶽四瀆及石山大川並是迹之處各委郡縣長官致祭其祠宇頽毀者量事脩葺

十四載八月辛卯制曰書曰成秩群望詩曰懷柔百神求惟明徵豈忘昭報今秋稼穡頗勝常年實賴靈祇福臻秘歲其五嶽四瀆所在山川及得道昇仙靈跡之處宜委郡縣長官至秋後各令醮祭務崇嚴潔式展誠享

是月癸未詔曰朕永念烝人祈穀上帝而陰陽忒序風雨不愆  
今獲稼穡阜成允賴神明幽贊也頃者虔心精享以神昭告其  
五嶽四瀆及天下諸郡山川迄今秋後展祭收獲既就農畝事  
曠報功咸秩抑惟其時宜令所在郡縣長官即擇良辰以崇明  
祀

新刊監本冊府元龜卷第三十五

新刊監本冊府元龜卷第三十四

帝王部

三十四

崇祭祀第三

唐肅宗至德二年二月帝在鳳翔改汧陽郡吳山為西嶽  
增秩以祈靈助

乾元元年六月己酉初置太一神壇于南郊圓立東命中  
書侍郎同中書門下平章事王璵攝祭

二年正月丁丑親祀九宮貴神宿齋于壇所

上元元年閏四月己卯御明鳳門大赦改元詔曰自古明王  
聖帝名山大川並委州縣長吏擇日致祭又詔曰定禍亂者  
必先于武德拯生灵者諒在于師貞周武創業克寧區夏

惟師尚父實佐興王况德有可師義當禁暴柙諸古昔爰崇典禮其大公望可追封為武城王有司依文宣王置廟仍委中書門下擇古今名將如文宣置亞聖及十哲等享祭之典一同文宣元年建子月詔曰皇王符瑞應協于灵祇典禮廢興式存于裡告蓋重承命以崇祇肅朕獲嗣鴻猷敢忘虔敬頃以三代正朔所尚不同百王徽號無聞異稱顧茲薄德思創常規爰因行慶之日將務惟新之典而建元立制冊命應符受于天地祖宗申于百辟卿士今既循諸古法讓彼虛名革故之宜以宣于臣下詔報之首未展于郊廟因時備禮擇日陳誠克敬恭己之心庶降庇人之福至誠斯感其在茲乎宜取今月二十八日朝獻大清宮二十九日享大廟元獻廟未月一日祭圓丘及大一壇是月

己酉皇帝謁大清宮庚戌享大廟元獻廟建丑月辛亥朔拜南郊祭大一壇禮畢還宮

代宗寶應二年五月丁卯改封北嶽為寧天王廣德二年二月乙亥親拜南郊祀昊天上帝于圓丘戊子詔五嶽四瀆名山大川宜令所管致祭

三月丙午勅曰三代之初皆有神降監其德也天寶啓之恭惟王業之初師及霍邑堅城未下大將阻兵連雨積旬糧儲不給有白衣老父忽詣軍門稱霍山之神謁大唐皇帝云東南取路八日雨止助帝破敵盡如其言巖巖霍山九州之鎮興雲致雨功已洽于生人親道輔德力更宣于王室朕纘承大寶膺受鴻休盼鑿之間誠明可接永言幽贊茲謂有孚惟天命神據我

斯意宜令禮儀使判官司封元外郎薛頊即往霍山致祭正詞以薦稱朕意焉

永泰元年正月癸巳改元制曰書稱咸秩詩美懷柔仰惟衆靈念茲多祐其五嶽四瀆名大山川宜令所管牧宰精神致祭大曆元年十一月甲子日長至御含元殿大赦改元制五嶽四瀆名山大川祀典攸存神理昭著宜以禮致祭

五年四月丙午命大守寺復置先農馬祖壇依常式享祀

六月詔五嶽四瀆名山大川神明所居風雨是王宜委中書門下分使致祭以達精誠

十一月庚寅日長至命有司祀昊天上帝于南郊

七年十一月辛卯日長至命有司祀昊天上帝于南郊不視朝

八年十一月辛丑日長至不視朝命有司祀昊天上帝于南郊

十一月十一日丙辰日長至命有司祀昊天上帝于南郊不受

朝賀

十二年八月增脩北郊壇齊宮二十五間

十三年十一月丁卯日長至命有司祀昊天上帝于南郊不視朝

德宗建中二年五月有司奏定張良穰苴孫武吳起樂毅白

起韓信諸葛亮李靖李勣配武成王廟

先是開元十九年始于兩京置齊大公廟以張良配

乾元中追齊大公為武成王令選歷代明將從祀然未之行祀字日蓋至是宰相盧祀京兆尹盧諶以盧者齊之裔乃鳩其裔孫若盧崔丁呂之族合錢以崇飾之詩擇自古明將如孔門十哲皆配享詔下史官乃定穰苴等至是始奏定焉

三年閏正月戊戌令百寮謁武成王廟

貞元元年正月丁酉改元制天下名山大川委長吏致祭  
十一月癸卯日南至帝親祀昊天上帝于圓丘

二年四月壬午大常寺奏祀風伯雨師祝版准開元禮凡有司  
攝事祝版應御署者進署訖皆北面再拜其風師雨師本是小  
祀並有司行事天寶三載始升諸星為中祀亦無皇帝親祭風  
師雨師之命有司自是常典不同攝祭其祝版准中祠例合進  
署其再拜案禮無文詔曰風伯雨師等升為中祀有烈祖成命  
况在風雨事切蒼生今雖無文朕當屈己再拜以申子育百姓  
之意

四月詔大常少卿裴郁等十人各統方鎮祭嶽鎮海瀆等  
三年閏五月從風師壇于滌水東

四年五月初復御署祭嶽鎮海瀆祝版准開元禮每歲祭嶽瀆  
祝版咸御署而遣之自上元元年權停中祀已下由是因循不  
署及是大常卿董晉舉奏之帝方崇祀典乃復舊制

六年二月甲申復祀元中司命司人司錄及流星

五月以風師武成王等樂章付所司施行之

六月己酉復祭五龍壇初開元中每歲以二月祭之有司行事  
著于新禮自上元中罷中小祀其祭遂廢及是宰臣請復之帝  
始以是日親祭焉

十一月庚午日南至帝親祀昊天上上帝于南郊

九年十一月癸未帝朝獻大清宫畢事宿齋于大庙于宮甲申  
朝于大庙畢事齋于南郊行宮乙酉日南至帝郊祀

初帝以有  
歲有年

夷朝貢思親告郊廟于祀事尤重慎及將散齋謂宰臣曰在禮散齋歸止寢攝心奉祭不外聞外事其常務勿奏乃齋于別殿及命皇太子諸王行祭者皆受誓一日命妃勝辭于別所故事郊壇宮廟內壇及殿庭帝步武所皆設黃道禱壇十一位又施黃赤禱將有事皆命徹之又故事設御史版立于郊廟咸籍以禱及是帝虔禋拜首于地有司奉祭者莫不惕勵

順宗以貞化二十一年正月即位四月冊皇太子詔五嶽四瀆名山大川委所在長吏量加祭祀

憲宗元和二年正月辛卯有事于南郊詔天下名山大川及古聖帝明王忠臣烈士各令以禮致祭

四年十月唐寅冊皇太子詔五嶽四瀆名山大川委所在長吏量加祭祀

七年十月庚戌制冊皇太子五嶽四瀆名山大川委所在長官量加祭祀

穆宗長慶元年正月辛丑親祀昊天上帝于圓丘

七月壬子受冊尊號禮畢詔五嶽四瀆名山大川并自古忠臣烈士各令所在以禮致祭

敬宗寶歷元年正月辛亥親祀昊天上帝于南郊

文宗大和元年六月乙卯詔曰依令有司約禮禱祠宗廟徧祈山川務在莊誠以副予志

三年六月大常寺奏北郊祀皇地祇壇先闕齋宮請准祠例置一所可之

十一月甲午親祀昊天上帝于南郊

八年二月庚寅以疾瘳大赦詔曰百靈所祐獲遂痊和虔奉神休敢忘昭報其五嶽四瀆名山大川各委所在長吏致祭仍加

豐潔以副精誠

九年二月丁丑詔曰王者受天地之明命續祖宗之鴻業所以  
祇服大事致誠嚴禋尽其孝敬之心崇其郊祀之禮必在匪懈  
不感寔盛豐潔古今丕訓無易於此朕嗣位十載恭臨萬邦務  
三時以厚生睦九族以脩教每勵薄德汔茲小康中宵內愧懼  
不克稱寔天地之睠祐祖宗之威靈思欲罄其情誠奉以昭報  
豈聿懷之敢望寔如在而齋心如聞近歲有司因循將事不恪  
牲牲無滌具之別邊豆之靜嘉之容鼎俎雖陳薦羞多闕祠官  
或急于齋肅胥吏有至於喧呶虧禮瀆神莫斯為甚永言重事  
用惻深衷起今已後太廟郊社齋郎先事前一日委監察御史  
子細點檢如有替代非正身者當時禁身推問聞奏當重科懲  
既責躬親須議優獎其齋郎委中書門下商量量與減選應緣  
祠祭官下至齋郎及大常樂人吏等致齋日有博弈飲酒喧呼  
爭競者亦委御史臺糾察聞奏其牲牢准禮循行之際合視肥  
瘠之宜近日相承臨時取辨既乖誠敬頗失舊章委大僕寺准  
禮令處分如無本色牛羊速具聞奏致于酒醴醢醢簋簋膳羞  
各委本司准禮令切加提舉凡在廟壻所宜肅敬縱云隙地豈  
靡脩崇如有耕盤藝植者亦委御史臺糾察聞奏攝祭公卿雖  
約官品將朕誠敬必在得人委尚書省差定之時稍加慎選其  
祭器禮物中如有欠闕及濫惡須慎補改張者委大常宗正  
光祿大僕寺少府監諸司速具條疏聞奏仍委中書門下即再踈  
理處分於戲禮崇明祀神享至誠上下苟無其違心虔恭必冀

于備物繇是怵惕興感齊莊致詞咨爾庶工各揚厥職式遵禮興稱朕意焉

四年六月封鷄翁山為侯先是溫造為吳元節度使初往漢中遇大雨平地水尺餘若不可進禱鷄翁山疾風驅雲即時清霽及是帝憶聞其事會造為御史大夫入見得詳言當時靈貺明日下詔封之

開成二年四月辛酉詔曰每聞京師舊說以為終南山吳雲即必有雨當晴霽雖密雲他至竟不霑濡况茲山北面闕庭日當思顧修其望祀寵數宜及今聞都無祠宇炭谷湫却在命祀終南山未備禮秩湫為山屬拾大崇細深所謂闕于吳雲致雨之祀宜令中書門下且差官設奠宣告恩禮便令擇立廟處所理

曰以聞然命有司即時建立

八月乙未長安縣令杜慥奏准詔置南山祠宇畢巳酉冊南山為廣惠公

武宗元年正月辛亥有事于南郊

十二月勅取來年春依天寶三年祀九宮貴神

五年正月有事于南郊

宣宗大中七年正月有事于南郊

懿宗咸通元年十一月丁未有事于南郊

四年正月庚寅有事于南郊

僖宗乾符元年十一月庚寅有事于南郊

昭宗龍紀元年十一月甲寅有事于南郊

京宗天祐二年六月湖南馬殷奏岳州洞庭青草二湖之側有古祠四所先以荒地臣復修廟宇畢乞賜名額者勅旨黃陵二妃祠曰懿節廟君祠曰利涉侯青草祠曰安流侯三閭大夫祠先以澧朗觀使雷滿奏已封昭靈侯宜依天祐元年九月二十九日勅處分下五日其廟請于街西遷地建造其餘修制其配十哲七十二弟子並請准故事者從之

後唐莊宗為晉王天祐八年與梁君戰于栢鄉因馮牙祝之曰南望栢人當漢祖擒紂之地北臨鄆邑有蕭王告類之亭一則成創業之功一則纂中興之緒予遠提師旅將盪妖氛假二帝

之威靈救萬邦之塗炭俯詳形勝周視郊原陣雲不散于長空殺氛正衝于殘孽逆溫背惠奸我同盟非厚戴之所容在典刑而無赦將期勦戮以慰蒸人諒我忠勤幸資神助

同光元年四月即位制曰山林川澤祀典神祇各隨處差官崇修祭饗

十月德音應有百神祠宇不得有虧時祭

十一月辛丑勅天下州縣所有神祠本處差官告祭

二年二月己巳朔有事于南郊

七年己酉幸龍門下雷山賽二人神北俗馮牙宜社之禮也

明宗天成元年八月司天奏前月二十八日夜四鼓西北雲雷暴作秋事方興宜分命祠禱從之

二年十月甲申勅少府監聶廷奏等以大駕巡幸告祭神祠  
四月七月壬辰制朕自嗣守丕圖勤修庶政于茲四稔罔怠万  
機上實賴于祖宗下必資于鄉士卑躬克儉景行前王側席求  
賢追蹤徃哲日慎一日雖休勿休幸致風雨不愆干戈載戢九  
穗之禾應瑞足表豐年兩階之舞咸賓無虧曠代敢萌矜伐漸  
喜隆平然而圓丘之禮未陳清廟之詩未著風宵增懼寤寐興  
懷何以助天之高而報地之厚也且天復予為子民戴予為君  
苟帝道未臻則人倫焉正必須燔柴瘞玉嚴六宗虞典之禮非  
敢刻石泥金竊萬歲嵩高之美凡在遐邇當体至懷朕取来年  
二月十一日有事于南郊

八月丁酉大理正路航奏竊見春秋釋奠于文宣王廟而武成  
廟久曠時祭國之二柄文武之宗請復常祀從之

九月戊辰祠部員外郎呂鵬奏五龍祠九宮壇天地三官置醮  
之禮義靡請依典故脩之

十二月中書奏今後宰臣致齋內不押班不知印不赴內殿起  
居或遇國忌行事已受誓戒宜不赴行香并不奏行殺公事

長興元年二月乙卯親祠昊天上帝于圓丘

十二月己酉命有司祭司寒神于水井

二年七月福建王延約上言當道神廟七所乞封王號勅無諸  
史傳有名宜封為閩越富義王其餘任自于境內祭享  
是月勅天下州府應有神祠破損者仰取公使錢添脩

三年十二月庚戌勅祠祀祭器牲幣務從清潔齋宮壇墀所司

宜檢舉崇飾之

愍帝應順元年閏正月詔曰朕猥以冲人獲應大寶賴神祇之贊助顯天地之休禎夷夏駿奔式符于曩命声教綿遠虔荷于炳灵德薄承祧憂深馭朽克奉治平之道諒由冥助之功集是殊詳敢不寅畏賴陰陽之行運致時雨以應期稼穡順得成歲功而叶望咸臻上瑞普泰兆民宣令三京諸道州府界内名山太川祠廟有益于民者以時精虔祭祀稱朕意焉

末帝清泰元年五月壬申詔曰吳嶽成德公昨遇享期克申幽贊宜加王號以表神功可進封灵應王具祠享官属仍舊同五嶽擇日冊命初帝在鳳翔将有沉闕之灾遣房曷祠之有應至是欲加封爵下有司檢封奏曰天寶十載正月封吳山為成德

公與沂山會稽醫無閭同制封公至德二年十二月改吳山為

嶽祠享官属視五嶽今國家以灵應告祥宜示殊等故有是命

至二年四月庚午受冊于少府監烏昭建往吳山詞封灵應王

是月丙子詔諸州神祠有破壞者委所在給省錢補緝

十一月詔杭州護國廟改封崇德王城隍廟改封順義保寧王銅官廟改封福善通灵王湖州城隍神封阜俗安成王越州城隍神封興德保闈王從兩沂其度使錢元瓘奏也

二年三月庚申詔曰詞祭國家重事切在精虔若不提撕漸成踈慢今後監察使每祭親視酒饌幣玉不得令饌料失于蠲絜如有所聞罪在監察使其壇廟牆屋勿令踈漏本司常檢舉脩葺以聞

四月戊辰考功員外郎李慎儀上言今春以來稍愆雨澤陛下念稼穡之重深宵肝之憂倍軫聖心編走群望盈尺則告瑞于元朔如膏則潤浹于莫春可卜豐穰動諧響應請天下凡祠宇有益于人者下本處常令脩飾冀集洪沍從之

晉高祖天福二年三月詔巡幸汴州中書奏車駕經過河南府河陽鄭州汴州管界所有名山大川帝王陵廟名臣等去路十里伏請下本州府各排北祇候俟車駕過日以酒脯醢祭告從之

五月湖南馬希範奏青草等四廟各乞進封勅青草廟安流侯宜進封廣利公洞庭廟史號關進封靈齊公磊石廟昭靈侯進封威顯公黃陵二妃廟舊封懿節廟改封昭烈廟

八月詔曰負國者天地不容為逆者人神共怒永惟眚饗實有感通昨出師之時將帥虔禱頗聞陰祐成此戰功唐衛國公宜封靈顯王其餘鄭州并汜水管內神祠宜令長史差官點檢如有隳損處便委量事脩葺貴神嚴飾以合陰功五嶽承天四瀆紀地自正當陽之位未伸望秩之儀宜令差官徧徃告祭兼下逐州府量事脩崇所有近廟山林仍宜禁斷樵採

十月丙戌命使祀五嶽四瀆

六年正月戊寅詔曰全晉奧區興王重鎮唐叔之英靈未泯臺駘之古廟猶存朕頃在并門長承陰助永言正直宜用封崇唐叔虞宜封興安王臺駘宜封昌寧公又詔曰嶽鎮司方海瀆紀地載諸祀典咸福蒸民將保豐穰宜伸虔敬俾加崇飾以奉神

明其嶽鎮海瀆廟宗等宜各令修葺仍禁樵蘇

七年二月勅唐州湖陽縣蓼山神祠宜賜名為蓼山顯順之神

仍下本州脩葺廟宇

元襄州安從進作通舉軍北來東京教功使充南面先鋒都監陳思議進軍南行與

從進相寓接蓼山列障俗以蓼與了字同音俗傳為不詳遂祈戰朕奏主廟額從進既敗行營都部署高行周以狀奏聞因有

勅是

少帝以天福七年六月即位十月封襄州利市廟為順正王

十一月勅天地宗廟社稷及諸祭祀等訪聞自前所司承奉多

不精潔宜令三司豫支一年諸司各請祠祭禮料物色等于是

廟置庫仍差宗正丞石載仁專主掌監察御史宋彥昇監庫差

供奉官陳審璘往洛京於大廟內穩便處擘畫修庫屋五間候

修畢催促所支禮料物色監送到庫交付宋彥昇石載仁並同

點檢入庫交付訖供奉官陳審璘齎交領文狀歸闕每有祠祭

諸各請禮料至時委監庫御史宋彥昇宗正丞石載仁旋旋給

付逐司其大祠中祠兼令監差使點檢饌造一一須得精潔如

或更致慢易本司當准格律科罪其祭服祭器未有者修製已

有者更仰雅飾

漢隱帝乾祐三年八月以蒙州城隍神為靈感王從湖南請也

時海賊攻州城州人禱于神城得不陷故有是請希廣又言永

州有石將軍祠即人水旱祈禱有應乞賜封崇勅宜賜大保

周太祖廣順元年正月即位制曰國之大事在祠為先苟不潔

蠲深為瀆慢如聞自前祠祭牢饌頗虧肅敬今後委監察御史

嚴加覺察必須豐潔庶達精誠稍或不恭國有常典

二年五月親征兗州遣樞密院直學士陳觀祭堯廟翰林學士竇儀祭東嶽廟

三年三月西京留司太子少師楊凝式言諸祠祀之所並無齋宮遣前染院使周重興監造于留司計會具科度事件以聞其太廟郊社要補葺處仍便檢計

十月戊申內出御札曰王者應運開基子民育物罔不承天事地尊祖敬宗燔柴于泰壇用昭乾德瘞玉于方澤以答坤靈朕受命上玄宅心下土時已歷于三載漸致小康禮未展于二儀深虧二典夙宵愧畏不敢違寧宜叶著龜式陳豆度展吉蠲之礼用傾昭事之誠朕以來年正月一日于東京有事於南郊宜令有司各備儀注務從省約無致勞煩凡有供湏並用官物

府縣不得因便差配諸道州府不得以進奉南郊為名輒有率歛庶俾嚴靜以奉郊禋中外臣僚當体予意

顯德元年正月丙子朔太祖親祀圓丘

世宗以顯德元年正月丙申即位八月丁未以風雨時若遣官分祭群祠

二年七月丙子帝謂侍臣曰朕聞國之大事在祀與戎近代已來急于戎事祭祀之礼幾如墜地且特牢之具簠簋之數蓋主誠信誠信不至神何享焉今後宜令所司各舉其職務在豐潔八月乙丑詔曰今後諸處祀祭應有牲牢香幣饌料共具等仰委本司官吏躬親檢校務在精至行事儀式依礼經大祠祭合用樂者仍湏祀前教習凡闋祀事宜令大常博士及監察御史用

心點檢稍或因循必行朝典先是以大常禮院上言郊壇宗廟  
禮物多闕故有是命

四年二月庚午詔有司添修祭器發物等先是帝以郊廟祭器  
皆由所司相承製造年代寢遠式樣訛舛乃令國子博士聶祭  
義檢閱禮書模畫其樣以聞至是故有是命

新刊監本冊府元龜卷第三十四

新刊監本冊府元龜卷第三十五

帝王部三十五

封禪

禮曰昔先王因天事天因地事地因名山升中于天書曰天子  
五載一巡狩二月東巡狩至于岱宗柴此封禪之大略也昔齊  
桓公欲封禪管仲曰古者封泰山禪梁甫七十二家皆受命  
然後得封禪是知王者受昊命之命居大寶之位順考古道建  
用皇極仁及乎行葦澤浸乎昆蟲太平之風于是乎在若乃建  
顯號施尊名揚英声騰茂實以折景福以告成功則必申命有  
司發揮大典刻石紀績與黃帝北探策告祥配天無極故倪寬  
謂之帝王之盛節相如亦曰天下之壯觀可不謂然乎

無懷氏封泰山禪云云

無懷古之往者在伏羲前云云在梁父東山名也又曰云云山前蒙陰縣城

東北下有

處義封泰山禪云云

處讀曰伏

神農氏封泰山禪云云

黃帝封泰山禪亭亭

地里志鉅人有亭亭山

顓頊封泰山禪云云

炎帝封泰山禪云云

炎帝神農後

帝嚳封泰山禪云云

堯封泰山禪云云

舜封泰山禪云云

禹封泰山禪會稽

湯封泰山禪云云

周武王封泰山禪于社首

在鉅平南二十里

漢武帝議欲放古巡狩封禪之事

放依也音肖往切

諸儒對者五十餘

人未能有所定先是司馬相如病死有遺書頌功德言符瑞足

以封泰山上奇其書

又司馬相如傳載相如既病免家居茂陵天子曰司馬相如病甚可往從悉取其書

若後之矣所中往而相如亦死家無遺書問妻對曰長卿未嘗有書也時著書人又永去長卿永死時為以卷書曰有時來

永書奏之其遺禮書言封禪之事所中奏焉天子異之

以問左內史倪寬寬對曰陛下躬

發聖德統揖羣元

統祭揖聚也輯揖與集三字並同虞書曰揖五瑞是也其字從木

宗祀天地薦

禮百神精神所鄉徵兆必報天地並應符瑞昭明其封泰山禪

梁父昭姓考瑞帝王之盛節也然享薦之義不著于經

封禪之享薦也

以非常禮故經元其文

以為封禪告成合法于天地神祇

法問散何一聞

祇戒精專以接神明總百官之職各稱事宜而為之節文稱副

唯聖王所由制定其當當猶中也非羣臣之所能列今將舉大事優

游數月言不決也使羣臣得人自盡終莫能成所言不同各有執見也唯天子

建中和之極兼總條貫金声而玉振之言振揚德音如金玉之声也以順承

天慶垂万世之基帝然之乃自制儀采儒術以文焉既成將用

事拜寬為御史大夫初議封禪曰古者先振兵釋旅然後封禪

西逐北巡朔方勒兵十餘萬騎還祭黃帝冢橋釋兵涼如地名也

帝曰吾聞黃帝不死有冢何也或對曰黃帝已先上天群臣葬

其衣冠既至其泉為旦用事泰山先類祠泰一且猶將也類祠謂以事類而祭之

自得寶鼎上與公卿諸生議封禪封禪用希曠絕莫知其儀体

而群儒采封禪尚書周官王制之望祀射牛事天子有事宗廟必自射牲示親

殺也事見國語齊人丁公年九十餘曰封禪者古不死之名也秦始皇

不得上封陛下必欲上稍上稍漸也即無風雨遂上封矣上於是

迺令諸儒習射牛草封禪儀數年至且行天子既聞公孫卿及

方士之言黃帝以上封禪皆致怪物于神通欲放黃帝放依也音甫往反

以接神人蓬萊高世比德于九皇上古有人皇者有人而頗采儒術以文

之群儒已不能辨明封禪事文拘于詩書古文而不敢騁帝為

封祠噐視群儒視讀曰示群儒或曰不與古同徐偃又曰大帝諸生

行禮不如魯善徐偃博士姓名周霸屬圖封事屬會也會諸儒圖封事也周霸人姓名也

於是帝默偃霸而盡罷諸儒弗用以元鼎六年正月東幸緱氏

禮登中嶽太室從官在山上聞若有言萬歲云問上上不言問

下下不言迺令祠官加增太室禁無伐其山木以山下戶凡三

百封嵩高為之奉邑

嵩古崇字以崇奉嵩之山故謂之嵩高奉邑也

詔曰朕用事華山

至于中嶽獲駮鹿見夏后啓母石翌日親登崇山御史乘屬在

廟旁

天子出御史徐二人乘為曹獲車駕

史卒咸聞呼万歲者三登禮罔不答其

令祠官加增太室祠禁無伐其草木以山下戶三百為之奉邑

名曰嵩高獨給祠復亡所與夏四月癸卯帝因東上泰山

言易上也

大山從南面直上步道三十里車道百里

泰山草木未生迺令人上石立之泰山顛

下轉石而上也

帝遂東巡海上行禮祠八神帝還至奉高帝念諸儒及

方士言封禪人殊不經難施行

人人殊異天不合經故難以施行

天子至梁父

禮祠地主至乙卯令侍中儒者皮弁搢紳射牛有事封泰山下

東方如郊祠泰一之禮封廣丈二尺高九尺其下則有玉牒書

秘禮畢天子獨與侍中奉車子侯上泰山

子侯霍去病子也

亦有封其

事皆禁明日下陰道丙辰禪泰山下阼東北肅然山如祭后土

禮天子皆親拜見衣上黃而盡用樂焉江淮間一第春為

籍五色土益雜封縱遠方音歌飛禽及白雉諸物頗以加祠兕

牛象犀之屬不用皆至泰山然後去封禪祠其夜若有光晝有

白雲出封中

雲出于所封之中

天子從封禪還坐明堂群臣更上壽

更互

也詔曰朕以耿身承至尊兢兢焉惟德菲薄不明于禮樂故用

事八神遭天地况施著見景象屑屑同然如有聞震于怪物欲止

不敢遂登封泰山至於梁父然後升壇肅然自新嘉興士大夫

更始其祠十月為元封元年行所巡至博奉高蛇丘歷城父

梁民田租逋賦貸已除

逋賦未出賦者逋貸官以物貸之而未還也

加年七十已上

孤寡帛人二疋四縣無出今年筭自博至梁

父凡五縣今云四縣奉高素以供禪非筭限

錫天下民爵一級女子百戶牛酒又曰古者天子五載一巡狩  
用事泰山諸侯有朝宿地其令諸侯各治其邸泰山下

二年帝伐朝鮮夏旱公孫卿曰黃帝時封則旱乾封三年三歲不雨

暴所封之上土令乾也上迺下詔天旱意乾封手言適新封則致天旱欲早我所封乎其令天

下尊祠靈星焉秋作明堂于泰山下

五年春還至泰山增封甲子祠高祖于明堂呂配上帝因朝諸

侯王列侯受郡國計若今之計帳初封泰山泰山東北趾古時有明

堂處處險不敞言其阻

帝欲治明堂奉高旁未曉其制度濟南人公玉帶上黃帝時明

堂圖公玉姓也帶名也呂氏春秋齊有公玉丹此蓋其曰族而說者讀云王者後漢司馬王况此音宿耳明堂

中有一殿四面無壁以茅蓋通水水圜宮垣為復道上有樓從西

南入復讀曰復名曰昆侖天子從之入以拜祀上帝焉於是帝令奉

高作明堂汶上如帶圖汶水名也出琅邪朱虛作所上明堂于汶水之上也帶圖公玉帶所上明堂圖

接漢及是歲脩封則祠泰一五帝于明堂上坐合高皇帝祠坐對之

漢是時未以高祖配天言對武帝以來乃配之祀后土于下房以二十大牢天子從昆侖

道入始拜明堂如郊禮畢祭堂下而上秦古燎字又上泰山自有祕

祠其顛而泰山祠五帝各如其方黃帝并赤帝所與赤帝同處有司

侍祠焉山上舉火下悉應之

大初元年十月行幸泰山十一月甲子朔旦冬至祝上帝于明堂

十二月禮高里

三年正月行東巡海上還脩泰山禮石閣石閣在太山下趾南方方方士言仙人閣

天漢三年三月行幸泰山脩封祀明堂因受計

太始四年三月行幸泰山壬午祀高祖于明堂臣配上帝因受計癸未祀孝景皇帝于明堂甲申脩封丙戌禮石閣

征和四年幸泰山脩封庚寅祀于明堂癸巳禮石閣先是武帝

每脩封其贊饗曰天增授皇帝泰元神策周而復始皇帝敬拜

泰一自此已上贊祀者辭又東至海上考入海及方士求神者莫驗焉益

遣幾遇之益多也幾讀曰冀後又親禪高里祠后土臨渤海將以望祀

蓬萊之屬幾致殊庭焉殊庭蓬萊中仙人庭也幾讀曰冀復東巡海上考神仙

之屬未有驗者方士有言黃帝為五城十二樓昆侖玄圃五城十二樓仙人之

所常居

以俟神人于執期地名也名曰迎年迎年若云祈年帝許之如方名

曰明年言明其得延年也帝親禮祠上犢黃馬公玉帶曰黃帝時雖封泰

山然風后封鉅岐伯令黃帝封東泰山風后封鉅岐伯皆黃帝臣也東泰山在琅邪朱虛界

中有小泰山是禪几山几在山朱虛縣合符然後不死天子既令設祠具至東泰

山卑小不稱其聲廼令祠官禮之而不封焉其後令帶奉祠

候神物復還泰山修五年之禮如前而加禪祠石閣石閣者在泰

山下阯南方下基之南面方士言僊人間也故帝親禪焉其後復至

泰山修封不過祭常山自封泰山後十三歲而周偏于五嶽四

瀆矣後復至泰山修封甘泉泰一汾陰后土三年親郊祀而

泰山五年一修封武帝凡五修封

後漢光武建武三年二月群臣上言即位三十年宜封禪泰

山詔書曰即位三十年百姓怨氣滿腹吾誰欺欺天乎曾謂

泰山不如林放何事汙七十二代之編錄桓公欲封管仲非之

若郡縣遠遣使上壽盛稱虛美必髡兼令屯田從此群臣不敢言三月帝幸魯過太山告太守以帝過故承詔祭山及梁父時虎賁中郎將梁松等議記曰齊將有事配林蓋諸侯之禮也河嶽視公候王者祭焉宜無即事之漸不祭配林

三十二年正月帝齋夜讀河圖會昌符曰赤刘之九會命岱宗不慎克用何益于承誠善用之奸偽不萌感此文乃詔松等復案索河洛讖文言九世封禪事者松等奏乃許焉初孝武帝欲求神仙以扶方者言黃帝由封禪而後僊于是欲封禪封禪不常時人莫知元封元年帝以方士言作封禪器以示群儒多言不合古于是罷諸儒不用三月帝東上太山乃上石立之太山顛遂東狩海上求僊人無所見而還四月封太山恐所施用非

是乃秘其事帝許梁松等奏乃求元封特封禪故事議對禪所施用有司奏當用方石再累置壇中皆方五尺厚一尺用玉牒藏方石牒厚五尺三寸廣五尺有五寸檢又用石檢十枚列于石傍東西各三南北各二皆長三尺廣一尺厚七寸檢中刻三處四方五寸有蓋檢用金縷五周以水銀和金以為泥玉璽一枚方二寸二分一枚方五寸方石四角又有距石皆再累敗長一丈厚一尺廣二尺皆在圓壇上其下用距石十八板皆高二尺厚一尺廣二尺如小碑環壇立之去壇三步距石下皆有石跗入地入地四尺又用石碑高九尺廣尺五寸厚尺二寸立壇內地壇三丈以上以刻書帝以用石功難又欲及二月封故詔私欲因故封故詔私欲更加封而已松上疏爭之以為

登封之禮告皇天垂後無窮以為萬民也承天之敬  
尤宜章明奉圖書之瑞尤宜顯著今因舊封竄寄玉牒故石下  
恐非重命之義受命中興宜當特異以明天意遂使泰山郡及  
魯趣石上宜取完清石無必五色時以印工不能刻玉牒欲用  
丹潦書之會求得能刻玉者遂書秘刻方石中命容玉牒二月  
帝至奉高遣侍御史典蘭臺令史將上先上山刻石文曰維  
建武三十有貳年貳月皇帝東巡狩至于岱宗柴望秩于山川  
班于群神遂勤東后從臣太尉憲行司徒事特進高密侯禹等  
漢賓二王之後在位孔子之後褒成侯序在東后番王十二咸  
來助祭河圖赤符曰劉秀發兵捕不道四義雲集龍闔野鬯  
之際大為主河圖會昌符曰赤帝玖世巡省得中治平則封誠  
合帝道孔距則天文靈出地祇瑞與帝劉之九會命岱宗誠喜  
用之姦偽不萌赤漢德與九世會昌巡岱皆當天地扶九宗經  
之常漢大與之道在九世之王封于泰山刻石著紀禪于梁父  
退省考五河圖合古篇曰帝劉之秀九名之世帝行德封刻政  
河圖提劉子曰九世之帝方明聖持衡拒九州平天下子維書  
甄睢度曰赤三德昌九世會脩符合帝際勉刻封孝經鈎命決  
曰予誰行赤劉用帝三建考九會脩專茲竭行封岱清河雒命  
后經識所傳昔在帝堯聰明密微讓與舜庶後裔握機玉奔以  
舅后之家三司鼎足冢宰之權勢依託周公霍光輔幼歸政之  
義遂以篡判僭號自立宗廟隳壞社稷喪亡不得血食十有八  
年楊徐青三州首亂兵革橫行逆及荊州豪傑并無百里屯聚

往往僭號北夷作冠千里無煙無鷄鳴狗吠之聲皇天睠顧皇  
帝以匹庶受命中十八年起載兵起是以中次誅討十有餘  
年罪人則斯得黎庶得居爾田宅書同文車同軌人同安爾  
倫舟輿所通人迹所至靡不貢職建明堂立群雍起靈台設庠  
序同律度量衡修五玉三帛二生一死贊吏各脩職復于伍禮  
舊典在位三十有二年六十二乾乾日昃不敢荒寧涉危歷  
險親巡黎元恭肅神祇思恤耆老理庶遵古聰允明恕皇帝惟  
慎河圖洛書正文是月辛卯柴登封太山甲午禪于梁陰以承  
靈瑞以為兆民永茲一字垂于後昆百寮從臣郡守師尹咸蒙  
祉福永永無極秦相李斯燔詩書樂隳禮壞建武元年前文  
書散亡旧典不具不能明經文以章句細微相况八十一卷明  
者為驗又其十卷皆不詔哲子貢去告朔之餼羊子曰賜也爾  
受其羊我愛其禮後有聖人正失誤刻石乾二十一日辛卯晨  
燎祭天子太平山下南方群臣皆從用樂如南郊諸王王者後  
二公孔子後褒成君皆助祭位事畢將升封或曰太山雖已從  
食于柴祭今親升告功宜有禮祭于是使謁者以一特牲於常  
祠太山處告詞太山如親耕疆劉先祠先農先虞故事至食時  
御輦升山日中後到山上更衣早晡時即位于壇北面群臣以  
次陳後西上畢位升壇尚書命奉牒檢皇帝以一寸二分爾親  
封之訖太常命人發壇上石尚書今歲玉牒已復石覆訖尚書  
令以五寸印封石檢事畢皇帝再拜群臣稱萬歲命人立所  
刻石碑乃復道下二十五日甲午禪祭地于梁陰以高后配山

川群神從如元始中北郊故事肆月巳卯大赦天下以建武三

十二年為元元中年復博奉高羸勿出元年租芻橐以吉日刻玉

牒書函藏金匱璽印封之乙酉使太尉行事以特告至高廟太

尉奉匱以告高廟藏于廟室西壁石室高祖室之下又趙憲傳載憲為太

尉上言宜封禪正三王之禮中元元年從封太山又張純傳載純為司徒奏帝宜封禪曰自古受命而帝治世之隆必有封禪

以告咸功馬樂動聲儀曰以雅治人風成于頌有周之盛成康之間郊配封禪皆可見也書月歲二月東巡狩至于岱宗則封禪之義也臣伏見陛下受中興之中平海內之亂復祖宗撫乃

存萬姓天下廣然咸蒙更生恩德行惠澤兩施黎元安寧亦雲秋慕義詩云受天之佑四方來賀今攝提之歲倉龍甲寅德在

東宮宜及嘉時遵唐帝之典繼孝武之業以二月東巡狩封于岱宗明中興功勳勳復祖純報天神禪梁父祀地祇傳祚子孫

万世之基也中元元年正月丁卯帝乃東巡岱宗以純視御史大夫從并上元封舊儀及刻石文出

章帝元和二年二月辛未幸太山柴告岱宗有黃鵠三十從四

南來經祠壇上東北過于營屋翔翔升降進奉高壬申崇祀五

帝于汶上明堂癸酉告祀二祖四宗二祖世謂高祖祖四謂宗文帝為大武宗帝為世宗

宣帝為中宗明帝為顯宗大赦天下諸犯罪不當得赦亦皆除之復博奉高

羸無出今年田租芻橐丁鴻以少府從帝奏曰臣聞古之帝王

統治天下五載巡狩至于岱宗柴祭于天望秩于山川協時月

正曰角斗權衡使人不爭陛下尊履蒸奉承丕業祀五帝于明

堂配以光武二祖四祖宗咸有告祀瞻望太山兩澤降澍柴祭

之日白氣上升與燎煙合黃鵠群翔所謂神人以合谷響之休

符也帝善焉

安帝延光三年二月辛卯辛太山柴告岱宗太山王者告代之處為五嶽之崇故

曰岱宗燔柴以告天

魏明黃帝初中護軍蔣濟曰夫帝王大禮巡狩為先祖揚禰封禪為首定以自古革命受符未有不蹈梁父登太山刊無竟之名紀天人之際者也故司馬相如謂有文已來七十二君或順所繇于前謹遺教于後太史公曰主上有聖明而不宣布有司之過也然則元功懿德不刊梁山之石無以顯帝王之功示兆庶不朽之觀也語曰當君而歎堯舜之美譬猶人子對厥親而生譽他人之父令太魏乘百王之弊亂極流隨之艱危接千載之衰緒維百代之廢業自武文至于聖躬所以參成天地之道網維人神之化上天報應嘉瑞顯祥以比往古無所取喻至于歷世迄今未廢大禮且去掃盡殘盜蕩滌餘穢未遑斯事若爾三苗屈強于江海大舜當廢東巡之儀徐夷跳梁于淮泗周成當止岱嶽之禮且去歲報吳虜於江漢今茲屠蜀賊于隴右其震蕩內瀕在不復淹無累于封禪之事也此議久廢非倉卒所定宜下公卿廣撰其禮卜年考時昭告上帝以副天下之望臣侍罪軍旅不勝大願冒死以聞詔曰聞蔣濟斯言使吾汗出流背自聞闕以來封禪者七十餘君耳故太史公曰雖有受命之君而功有不洽是以中間廣遠者千有餘年近者數百載其儀闕不可得記吾何德之脩敢庶茲乎濟豈謂世無管仲以吾有桓公登太山之巔吾不斯天地濟之所言華則榮矣乎非功我者也公卿侍中尚書常侍省之而已勿有所議亦不須答詔也天子雖拒濟議而實使高堂隆草封禪之義以天下未一不欲便行大禮會隆卒不復行

晉武帝平吳混壹區宇大康元年玖月庚寅常書令衡瓘尚書  
左僕射山濤右僕射魏舒尚書劉寔司空張華等奏曰臣聞畢  
自生靈則有后辟年載之數莫之能紀立德濟世揮揚仁風以  
登封太山者拾有肆家其謚號可知者拾有肆焉沉淪寂寞  
曾無遺聲者不可勝記大晉之德始自重黎實猶顓頊至于夏  
商世序天地其位于周不失其序今德將并世濟明聖外平蜀  
漢海內歸心武功之盛實由文德至于陛下受命踐祚弘建  
業群生仰流惟獨江湖沅湘之表凶桀負固歷代不兵神謀  
獨斷命將出討兵威慙加數旬蕩定羈其鯢鯨赦其罪逆雲  
覆雨施八方未同聲教所被達于四極雖黃軒之征大禹遠略  
周之變世何以尚今若夫玄石素文底號前載象以數表言以  
事告雖古河圖洛書之徵不足過也宜宣太典禮中嶽封泰山  
禪梁父發德號明至尊享天休篤黎庶勤千載之表播流後之  
聲俾百世之下莫不興起斯常王之盛業天人之至也詔曰  
今逋寇雖殄外則障塞有驚內則百姓未盡此盛德之事所未  
議也瓘等又奏曰今東漸于海西被于流沙大漠之陰日南北  
戶莫不通屬茫禹迹今寶過之天人道已周巍巍之功已著宜  
脩禮地祇登封太山致誠上帝以人神之願也乞如前奏詔  
曰今陰陽未和政刑未當百姓未得其所豈可以勤功告咸  
邪不許瓘等又奏曰臣聞處帝王之位者必有歷運之斯天命  
之應濟兆庶之功者必有盛德之容告成之典無不可証有不  
敢讓自古道也而明照謙冲屢辭其禮雖盛德猶在推而未居

夫三公職典天地寶掌人物國之大事取義于此故漢氏封禪  
非是官也不在其事臣等前奏蓋陳祖考之功天命又應陛下  
之德合同四海迹古考今宜脩此禮至于克定歲月須五府上  
議然後奏聞詔曰雖蕩清江表皆臨事者之勞何足以告成方  
望群后思隆大化以寧區夏百姓獲莫與之休息期朕日夜之  
望無所復下諸府矣瓘等又奏聞唐虞三代濟物弘物之君  
莫不仰承天休俯協人志登介丘履梁父未有辭焉者蓋不可  
讓也今陛下勲高百姓德無與二茂績弘規巍巍之業固非臣  
等所能究論而聖旨勞謙屢自抑損時至弗應推美不居闕皇  
代之上儀塞靈祇之款望使大晉之典謨不同風于三五臣等  
誠不敢奉詔請如前奏施行詔曰方當共思弘道以康庶績且  
俟他年無復紛紜也王公有司又奏自古聖明光宅四海封禪  
名山著于史籍作者拾肆君矣舜禹之有天下也巡狩四嶽  
躬行其道易著觀俗省方禮有升中于天詩頌陟其高山皆載  
方在策文王為西伯以服事殷周公魯藩列于諸侯或享于  
岐山或有事太山徒以聖德猶得為其事自是以來功薄而僭  
其儀者不可勝數彌益不泯以至于今况高祖宣皇帝聲開王  
業海外有截世宗景皇帝濟以大功輯寧區夏太祖文皇帝受  
命造晉盪定蜀漢陛下應期龍興混一六合澤被群生威震無  
外昔漢氏失統吳蜀鼎峙兵興以來近將百年地險俗殊人望  
絕塞今不羈之寇二代而平非聰明神武先天弗為孰能巍巍  
其成功若茲者歟臣等幸以千載得遭運會親服大化日覩太

平生公美誰與為讓宜祖述先明憲章古昔勒功岱嶽登封  
告成弘禮樂之制正三雍之典揚名萬世以顯祖宗是以不勝  
大願敢昧死以聞請告大帝具禮儀帝復詔曰所議誠列代之  
盛事也然方今未可以爾便報絕之

隋文帝開皇玖年平陳朝野物議咸願登封秋柒月丙午詔曰  
豈可命一將軍除一小國遐邇注意便謂太平以薄德而封名  
山用虛名而干上帝非朕攸聞而今以後言及封禪且禁絕又  
定州刺史豆盧通等上表請封禪帝不許又兗州刺史薛曹以  
天下太平登封告禪帝王盛烈遂遣博士登太山觀古跡撰封  
禪圖及儀之上高祖讓讓不許

十四年群臣請封禪高祖不納晉王諱又率百官抗表固請帝  
命有司草儀注于是牛弘辛彥之許善心姚察虞世基等創定  
其禮奏之帝遂巡其事曰此事體大朕何德以堪之但當東狩  
因拜岱山耳

拾伍年春行幸兗州遂次岱山為壇如南郊又遵外為柴壇飾  
神廟展宮懸于庭為理埽貳于南門外又陳樂設位于青帝壇  
如郊南服袞冕乘金輅備法駕而行禮畢遂詣青帝壇而祭  
唐太宗貞觀伍年正月朝集使趙群正考恭等僉議以為天下  
壹統肆夷來同詣闕上表請封禪帝手詔曰省表具懷自有隨  
失道四海橫流百王之弊于斯為甚朕提劔鞠旅首啓戎行扶  
翼興運克成鴻業遂荷慈睞恭承大寶每日景思治弗敢康寧  
兢々夕惕用忘典寢履薄馭朽不足為喻賴三靈顯命百辟同

心海外無塵遠夷慕義但流遁永久凋殘未復田疇多曠倉廩  
猶虛家給人足尚懷多愧豈可遽追前代取譏虛美所望恂  
濟濟叶力盡誠輔其不逮致之王道如得雅頌形于金石菽粟  
同于水火反朴還淳當如來議

拾貳月己亥期集使利州都督武士彘等詣朝堂又上表請封  
禪帝曰隋末分離群兇競逐我提三尺劔數年之間正壹四海  
是朕武功所定也突厥強梁世為紛擾今乃襲我衣冠為我臣  
吏殊方異類輻湊鴻臚是朕文教所來也突厥破滅君臣為俘  
安養之情同于赤子是朕仁愛之道也林邑貢能言鳥新羅獻  
女樂閨其離本皆令反國是朕敦本也酬功錄効必依賞格懲  
惡罰罪必據刑書割親愛捨嫌隙以弘以至公道是朕崇信也非  
朕苟自矜伐欲明聖人之教不徒然也此年穀頻稼登疾疫不  
作誠宜展禮名山以謝天地但以來亂之後民物凋殘憚于勞  
費所未遑也

陸年公卿百僚以天下太平四夷賓服詣闕請封禪者首尾相  
屬帝不許嘗從容而言曰朕本諸公子也始望不及此屬天下  
喪亂遂有救焚拯溺之志義師入關之始群凶罪沸當此之時  
但得參分天下亦為足矣朕以不武內稟大上皇之謀外假士  
大夫之力數年之間六合大定升告禪信以其時然朕往者蒙  
犯霜露遂嬰氣疾但恐登封之後彌增誠懼有乖營衛非所  
以益朕也少欲自怡用安年壽公卿等無復為言

拾壹年帝將有事于封禪國子博士劉伯莊睦州刺史徐

等皆上封禪事互設疑惑言新禮簡略事有未周于是勅四方名儒博物之士及顏師古朱子奢等參議得失議者類拾家遺相駁難紛紜不決于是左僕射房玄齡特進魏徵中書令楊師道慎採衆議以為永式議昊天上帝壇其略曰將封先祭義在告神固當為壇下社稷申齊潔替饗已畢然後登封既表重慎之深兼示行事有漸今請祭于大山下設壇以祀上帝以太祖景皇帝配享壇長壹拾貳丈高貳丈貳尺又議幣玉牒白金玉重寶質性貞堅宗祀郊禋皆充器槩豈嫌華靡寔貴精確况乎三神壯觀萬代鴻名禮極殷崇事資藻縟玉牒玉檢式韞靈琦傳之無窮永存不朽今請玉牒長壹尺叁寸廣厚各伍寸玉檢厚叁寸長短闊狹壹如玉牒其印齒請隨璽大小仍纏以金絕伍周又議玉策曰封禪禮祭嚴配作主皆奠玉策肅奉慶成今玉策四放各長壹尺叁寸伍分每策伍簡俱以金編其壹奠上帝壹奠太祖座壹奠方地祇壹奠高祖座又議金匱曰祭配之策盛以金匱歸格藝祖藏之朝堂今請長短今容玉策高廣各六寸形如今之表函纏以金絕封以金泥印以受命璽又議方石璽累藏玉牒止用石函亦猶盛書笑荀所以或將石笑今請方石三枚以為再累其十枚石檢刻石石四邊而立之纏以金繩封以石泥印以受命璽又議太山上園壇曰四出開道壇場通義南面入升於事為允今請介丘山園壇廣五丈高玖尺用五色土加之四面各設壹陛御位在壇南升自南陛而就上封玉牒又議園壇上土封曰凡言封者皆是積土之名利建分封

亦班土立號謂之封禪厥義可知今請于園壇之上安置方石  
重緘既畢加土築以為封高壹丈貳尺而廣貳丈以五色土益  
封玉牒書藏于其內祀禪之所土封制亦同北議玉璽曰謹詳  
前載方石緘封玉檢金泥必資印以為秘固今請依令用受命  
璽以封石檢其玉檢既與石檢大槩不同請便造璽一枚方一  
寸二分文同受命以封玉牒石檢私制依漢建武時故事又議  
立碑曰勒石紀號垂裔後昆美盛德之形容闡后王之休烈其  
義遠矣陛下聲暢九垓威橫八極靈祇不愛其寶兆庶無得而  
稱但當贊述希夷以攄臣下之志其登封及禪并肆覲之壇並  
請刻頌立碑顯揚功業又議設告至壇曰既至山下禮行告至  
柴于東方上帝望秩遍禮群神今請其禮方八丈壹尺高三尺  
陞乃四出其禪方壇及自餘儀式請從今禮仍請柴望秩同時  
行事又議廢石闕及大小距石曰距石之設意取牢固本資實  
用豆云彫飾今既積土厚封足與天長地久其小距環壇石闕  
廻建事非經誥無益禮儀煩而非要請從減省以拾伍年奏從  
此議餘皆罷之遂附制于今禮永垂于後焉

十四年十月甲戌趙王元景等表請封禪帝冲讓不許至于再  
三壬辰詔曰夫功成道合古今為隆平登封降禪聖賢謂之  
大典是以出震則天之厚革夏變商之君繼詔夏而施尊名崇  
號謚而廣符瑞顧遲遲焉群以區區誠為此也原夫大始云構  
生靈厥萌黎庶布乎穹壤皇王司其古契遐哉上古以迄于茲  
歷選休徵未有如今日之盛所以敢聲窺管無懼觸鱗瀝膽

披肝言亦備矣援天引聖亂亦殫矣幸蒙亭育之澤降以聽覽之恩大賚雖敷猶申後命未便淡汗方事逡巡懷生之徒不遑寧處伏乞皇帝陛下則天成務應物為心協三才之會昌日乃需然而動色遂萬姓之延首俯凝旒而改容雖復龍圖告徵龜書襲吉尚諮諏于四嶽建明謨于兆人欲使六合之中沃心遍于朝野八紘之內下問浹于華戎凡在人靈疇無升躍今茲百辟咸集久有攸同並執玉以來庭俱式歌而且舞遠則重譯僉議近則端笏參謀欣覩增天之高願逢加地之厚絕域忘生而越險莘髮忍死而爭趨中外之心克諧愚智之情允睦掌故事者草登封而待期執羈勒者儼車徒而俟命庶官率職三事夙興遠邇適昌言明靈幽贊莫不傾視俯聽希陪肆勤之禮郊社呈祥

欽承告成之慶山稱萬歲企和鑿而發竒雲浮五彩佇華蓋而交陰兩儀之情轉迫萬國之望愈深臣又聞之屈已從衆至人所以稱仁絲言顯發哲王以之敷信昨奉明昭許以試之實降皇情俯同人欲寬仁之利期博示信之道宜弘即日庶尹馳心咸奉章而守闕列潘翹足各伏地以祈恩所冀天慈深加照察制可群僚之奏剋以發軫之期頒示普天申明絕典使膏美時之士欣獨高于萬代八荒之酋荷周霑于再造則臣等死日猶生之年不任誠懇之至謹與連率方牧等奉表詣闕固請以聞于是下詔曰自古明王君臨區宇功濟天下道被生民內外無虞年穀豐稔莫不歸功上玄致禮厚地茂實于六合飛英于百代今公卿在列屢述虛心嶽牧具僚固陳僉願理在難奪

敬依來請顧循諸已仍懷慙德

十五年三月庚辰肅州言所部川原遍生芝草先是百僚及雍州父老詣朝堂上表請封禪四月辛卯朔下詔曰肇有承靈樹之司牧載籍所紀風烈猶存至于道洽品物功成宇縣天眷彰于符瑞人事表于隆平莫不增封岱宗廣禪梁甫榮鏡六合對越三神前聖所以垂其尊名後王所以仰其休烈蓋由此也自火德既衰二光分裂金行失御九鼎沉淪諸華競逐爨倫大壞雖周室削平趙魏隋氏混一文軌而金革之事未戢于封疆雅頌之音弗聞于朝庭遂使至教如闕淳風莫反齊郊絕類帝之禮日觀缺升中之儀其已久矣朕丕膺景命嗣守洪基承天亂之餘當率土之責負宸輿揚納惶在慮上憑宗社之靈下資士庶之力草昧伊始援干戈以靖亂區夏既平弘禮樂以緯俗尉候無警蓄畬有年比屋咸保其觀舍氣不違其性殊方異域盡地界而來庭應圖合謀殫天符而表瑞緬懷前載詳求諸已豈伊寡德能致此乎固乃上玄所叶贊也而群公卿士百辟庶僚固陳人祗之意請遵封禪之典推而不居至于數四文武之情彌切內外之議日聞誠請頻繁淹歷年載朕繼跡百王因心萬物上奉蒼昊義在薦功下撫黎元方祈厚福既迫茲理敢不祗從猥以眇身齊美上代永言夙志懍乎增惕可以來年貳月有事大山所司宜與公卿并諸儒士及朝臣有學業者詳定其儀傳考聖賢之旨以允古今之中務盡誠敬稱朕意焉于是太詔常卿韋挺為檢校封禪大使禮部侍郎今狐德榮副為朝廷參

如矣議異端競起秘書少監顏師古乃奏稱臣撰定封禪之禮  
書在拾壹年春于時諸儒參詳以為適中詔公卿定其可否多  
從師古之禮六月己酉有星字于太微宮犯即位辛亥朝散大  
大行起居郎褚遂良進曰陛下撥亂反正功超前烈告成升嶽  
天下幸甚而至洛陽彗星輒見此或有所未允合者也且漢武  
優柔數年始行岱禮臣愚伏願詳擇丙辰詔曰自古皇王受天  
之命建顛踣于封禪揚洪名于竹帛者莫不道濟夷夏功叶人  
祇然後登山太之高刊梁甫之石未有七德靡記九部寂寥而  
歆齊声于聖哲垂美于篆籍者也朕承宗廟之重當區宇之  
責寅畏三靈憂勤萬姓雖勦剪禍亂克定遐荒而至教猶鬱刑  
典未措勝殘之化未洽于率土和平之風多慙于往烈是以覽  
經籍而自失想壇場而增懼亟寢措紳之奏屢拒公卿之情遂  
巡大典荏苒歷載近者文武百僚州縣庶尹頻繁抗表殷勤固  
陳咸以為兩儀交泰四夷賓服禮讓興行年穀豐稔蒼旻呈符  
上靈符不可以久替黎獻協心于下衆欲不可以固拒朕迫茲  
群議敢不敬從欲為功上去大報后土升中之儀已具省方之  
期有日今大史奏有彗星出于西方朕撫躬自省深以戰懼良  
由功業之被六合猶有未著德化之覃八表尚多所闕遂使神  
抵番祐警戒照然朕畏天之威寢興靡措且曠代盛典禮數非  
壹行途之間勞費不少東夏凋弊多未克復將送儀伏轉運糧  
儲雖存節省之義終煩黎庶之力非唯上虧天意亦恐下失人  
心解如更張抑有故實前以來年二月有事太山宜寧夙夜自

脩遂其罪已之志動恆匪懈申納隍之情儻蒙靈祇廻睇崇  
社介福朝廷同于大道風俗歸于朴素告成之美更思其宜仍  
命所司太山前代帝王因封禪立及碑石函之類往遭離  
亂被賊毀發並修立瘞藏之

二十年十一月司徒長孫無忌與百官及方嶽等上表請封禪  
不許司徒長孫無忌與百僚又請封禪詔曰朕念遠役初寧頗  
須休息深知所請甚合機宜即事省方恐生勞擾俟百姓閑逸  
可徐議之十二月己丑司徒長孫無忌等又詣順天門抗表請  
封禪曰臣聞陰陽不測陶冶生靈之謂神道德玄通仁育黎之  
謂聖聖也者自天之攸縱也神也者太天之理物也是以惟天  
稱辟靈心作其會昌惟辟奉天至誠表其封禪升中之道抑斯  
之謂歟由是先生急焉當仁不讓景中必獲時至則行務在告  
于成功故無俟于終日伏見綸旨辭遠役初寧緩此嘉期託俟  
人之逸豫豈容前歌拔拒戢武之後辭勞拓境開疆太平之秋  
有勸誠如睿慮未昭百姓之心假此空言實乖千里之應臣等  
伏應麟閣縱觀太始之初沉研鳥文歷選櫓巢之上悠悠栗陸  
未辦犧牲森森大庭熟知罇俎衮衣為飭尚報太帝之功如毛  
充薦輕展介丘之禮西叙窮乎積石東漸迫乎滄江化未覃于  
九夷貢有闕于三春猶且範圍天地幹運義舒揚翠旌于奉  
高撫朱紘于岱嶽迓百神而賓上帝契三靈而謁太壇玉牘靈  
文飛英華于萬古金繩秘檢騰清輝于八埏是知紀號乖名崇  
高莫加于肆類推功輯瑞廣厚莫大于登封若乃靈臆所集人

謀允洽雖固執于謙撝諒無得而辭也伏惟皇帝陛下研精  
探頤神無不照唯幾所鑒洞出象帝之初先天成則超貫混元  
之際由是大命揚彩麗雕軒以丹中景宿騰輝藻璇題以霄映  
奔山車而疊軫促日馭之鳴鑿躍澤馬而相超微天駟之徐軻  
煙川清野蓄洩于弈弈之河薰風警途扇蕩于云云之嶠其冥  
兆也如彼其題應也若斯而陛下固事逡巡方稽大典使尊名  
顯號韜光于琰碑絕異殊尤阻絢于瓊簡孰謂畏天之命順人  
之欲者歟率土悽悽深所未喻臣又聞之游海若者馮夷之宮  
為陞登太山者魯侯之邦蓋小是知絳霄不極九垓網絡于胃  
中赤縣無涯四海括囊于度內何者杳山巢睫竊比所以懸殊  
朝函靈椿長短自然相奪也若夫大樂云贊封豨盜鍾大禮既  
湮長鯨裂冕酌撫石于無休釣天之響鬱興採掃地于無形禋  
宗之道逾邵則女媧慙其創制軒后歸其正名矣正若比屋見  
誅農夫化為京觀稟噍無類芻牧窮于染鐸重典粒倉頡栖畝  
之餘糧首建駿駮詠徒行之無乘則農皇張于推轂犧氏退以  
扶輪矣既而凝旒闡化中外禔福負展勝殘飛沉遂性亭育侔  
于宇宙就望休于雲日荷其德以難名用其功而無謝故乃邈  
高辛之順義孕顓頊之䟽通矣加以刑清政肅委金科而罔施  
毀犴空囹設畫衣而莫犯通關梁于曼服共苑囿于黎蒸繫壤  
而謠傳清音于戎狄耕田而食建可封于皂隸外戶設而不扃  
神獸馴而靡觸故以光融伊帝景煥虞庭至如卑宮菲膳孝享  
通于鬼神大輅越席致敬極于嚴配黃屋建三辰之旂垂範裕

于千祀玄皞垂九旒之藻設法懸于萬代小正調其玉燭應祥  
莫而不虧中天朗其金境與真明而同晷則文命以是伏應玄  
王于茲負笈矣洎乎翦商除害夷項懇災戮翼野而復皇猷誅  
疇華而清帝道提倚天之長劍拯塗炭于遊魂揮駐日之雕戈  
賜懷生于仁壽則駭文武之仍代吞高光之累葉矣詮彼數君  
特聞一善能兼之者實歸仁聖若乃提封海外摠壹寰中日域  
窮君華之津月竈跨濛波之表顛顛面日並為冠帶之倫飄飄  
駕風摠萃孟津之會晝北荒之明月物天府以擣光篚南州之  
火毛鬻旗亭而吐耀龍伯釣鼈之旅咸編列于武臣鳳洲君子  
之渠各委質于文吏斯乃書契之所未觀超古光而絕類矣竊  
惟域中三大義均一体感通由乎影響彌綸切乎交際是知德  
逾厚者貺逾深功尤高者祥尤著當今皞穹儲祉浹天紘以宅  
心后土錫符摠坤維而服化由是百官累息萬國聳神僉發  
叩閭之請佇副上靈之望伏願時紆睿綬遠振天聲徵鴻儒聘  
覲奩考逸義緝遺編撫秦煨之逸文採魯陸之餘靈酌雲經  
而定議憲河圖而繕儀然後玉輅乘春金麟甬景五牛翻其折  
羽六龍輝其鏤腸鼓豐隆而警翠微振列缺而清綠野凝笳發  
岫合萬歲于山言飛蓋登巒錯五松于林秀登園壇而接武隆  
曜魄而齊尊俾夫一代木冠冥其名于冊府四方夷狄鑿其竅  
于靈宮則普天欣賴懷生再造朝聞夕死抃若登仙巨等深荷  
生成不勝至願重竭愚瞽昧先以聞詔曰朕遐觀哲王煥在方  
冊功既成矣咸備禮以升中道既行焉必奉符而告禪所以發

揮天命昭報上靈其有建顯號以創鴻徽施尊名而騰茂烈者  
莫不揚輝于鏤玉絢景于塗金昭昭然麗三辰而並運滔滔焉  
播四溟而極深朕誠寡德良深景慕曩者萌俗凋弊國本甫安  
勉致隆平日不暇給而槐卿守闕請繼美于云亭嶽牧叩閭祈  
踵武于梁岱自惟菲薄至道未凝抗禮皞穹實懷疑緬率幼  
菴運鍾交喪忘其家以徇天下矣其体以濟寰中翊戴光皇削  
平諸夏出于萬死首導五潢之源不顧一生光錫兆人之命越  
自鑪炭獲反宮魂拔于鬼錄並登仁壽竊惟天地之大德存于  
施生朕以徑寸之懷小心襲造育降期休太諒或由茲不然者  
也何能致于此也遂得池隍象浦苑囿龍沙置一侯于鷄林同  
六人于鯨水實資天眷賁以咸亨豈朕微庸而能及此今茲列  
辟卿士鴻生碩德各述靈徵累陳丹款既迫群議當事敬從乃  
詔有司廣召搢紳先生議方石園壇之制草封禪射牛之禮修  
造羽儀輦輅並送之洛陽宮

二十一年正月丁酉詔曰朕聞天高地大乃播黎方媧皇燧人  
肇恭玄錄是知施生為德處崇高而不言亭毒攸資委欽明以  
司契泊乎三正迭建伍運相遷休烈存乎典墳至道流乎雅頌  
其有仰齊七政府會百神察靈眷于祥符報玄功于昭告莫不  
罄情梁岱繼踵雲亭對越兩儀盡先聖之能事揚越三統垂曩  
哲之尊名懸鏡天衢罔不由于此也自中陽絕紐堙白水于窮  
流宮紹興阻黃星于天塹永嘉東播化金馬以為牛道武南  
徂飛蒼鷲以登祚周吞嶽裔連三葉而巢傾隋并舜後及二帝


而舟覆莫不以凶易亂以暴代昏各肆巨壑之心規享上靈之  
祐却行求進其可得乎由是憲寥千祀無懷之風不嗣泯棄七  
經子長之言殆絕遂使成山日觀夕闕升中之儀汶上明堂疇  
聞類帝之義顧瞻禮樂深有可嗟朕幼踐危機愍斯窮運上同  
附翼下靡息肩負荷休徵授旗鞠旋肅恭儲祉吟雲躍鱗順朱  
鳥以行誅騫丹鳳而遐舉射九鳥而懸日月區品物以照陽和  
練五石以造乾坤濟摧角以全肩壽于是尊奉先帝凝旒于廟  
堂躬履兵鋒憂勤于變輔既而仰逼威命俯順樂推越自唐侯  
言應下武深惟憂責之重自最若屬之懷遂致靈貺無涯剪毛  
頭而降錫遊魂削社盡窮變以開壇東蟠桃西池秣谷咸覃  
正朔並充和氣交凝禎於往代窮今古而罕聞考元宅於前皇

罄縑紉而莫覩豈朕眇身勤勞所建諒由高明垂鑒祚此降平今  
茲三事大夫百僚庶尹各述天人之意請躡封禪之從顧惟寡  
薄推而不有杜絕群言至于數四中外之情尤切企佇之望逾  
深朕又詳思荷財成于穹昊自古賢哲並歸功于大帝迫斯至  
理弗獲固辭展禮上玄實增慙懼可以貞觀二十有二載仲春  
之月式遵故實有事于太山諸內外具僚嶽牧卿士既相敦也  
喻將士告成各罄乃心無虧政道恪居職務以協特邕所司宜  
與縉紳先生載筆圓冠之士詳求通典裁其折其中深加嚴敬稱  
朕意焉仍令天下諸州明揚仄陋其有學藝優治文蔚翰林政  
術甄明才應國器者並宜摠集泰山庶令作賦擲金不韞天庭  
之揆被褐懷玉無溺屠釣之間務得英奇當加不次也遣大帝

卿揚師道為檢校封禪大使立部侍郎盧承慶為副後改令禮部尚書江夏郡王道宗為大使司空梁國公房玄齡等議云梁甫社首二山並是古昔禪祭之所去十五年議奏請禪梁甫今更奉詔詳議梁甫云泰山七十里又在東南至于行事未為穩便社首去泰山五里是周家禪處臣等參詳請禪社首有詔依奏餘並依十五年議八月壬戌詔曰朕聞探玄願者先實而後賓體至公者本人而未禮名歸于已往哲存而弗務德利于人而聖徇而為急是用範圍天地權輕重以令時宜取則陰陽適便以從衆欲由古之封禪無專事機所謂奉天咸資務際朕仰窺前志歷選哲王無懷有巢緇逾繩契之木龜六鳳紀越在俎豆之先扣窳漠以傳燬故可畧而言也至如三元立統百物

正名步驟之軌非遙損益之源可挹雖堯心廣運句疆域于流沙禹迹遐宣限隄封于碣石猶且先弘即叙次展玉帛之儀首創賓門方備云亭之典造成之義因弗由茲况朕奄有方輿閭域該千古仰承靈睭降福超于百王巨汝所環莫非臣妾長河攸括並入封壇日者夷夏同文禎符狎至謂可鳴鑿日觀勒牒仙閣許以來春親行告禪而今延陲一姓流竄西陸控玄萬計初歸正朔新就繫維又以公卿庶僚各陳誠請遂有翠微之役非無板築之勞既而山谷阻深朝宗有礙重披丹懇請建玉華且復頻有興造恐致勞煩兼聞河北數州頗傷淹涉朕為人父母思濟黎元順動升中理無兼遂其介丘之禮且權停其玉華宮制度務從菲薄更令卑陋庶免風雨稱朕意焉

新刊監本冊府元龜卷第三十五



新刊監本用所元...



